

卷之五  
戊申孟秋鐫

衛輝府志

本署藏板

續編府志目錄

三製卷首

圖圖卷一

卷二

卷三

星社第三

卷四 形勢附 祥異附

古蹟第四

新編府志 目錄

卷五

地理第五

卷六

山川

卷七

夏屋

游梨

河防

卷八

羅城

里社

鄉莊附

市集附

對稱第六

卷九

卷十

卷十

城池

公署

學宮

書院

學田附

倉廩

調定

水

火

驛站

兵防

增補志八

卷十二

職官一

卷十三

職官二

卷十四

職官三

卷十五

職官四

卷十六

職官五

田賦志九

卷十七

則壤 成賦 雜稅 鹽引

戶口志十

卷十八

風俗志十一

卷十九 風俗 方言

食貨志十二

卷二十

祠祀志十三

卷二十一

學校志十四

卷二十二

選舉志十五

卷二十三

卷二十四

卷二十四

生下

卷二十五

進士 武舉 武職 廢襲 封贈

卷二十六

人物第十六

蹟 賢哲 儒林 道學 忠節

卷二十七

名宦上

卷二十八

名宦下

卷二十九

政績

卷三十

名臣

卷三十一

文苑 武職 方輿 耆老

卷三十二

卷三十三 孝義一

卷三十四 孝義二

卷三十五 隱逸 流寓

卷三十六 列女上

卷三十七 列女下

藝文第十七

卷三十八 詔 制 表 疏

卷三十九 贊 議 辯

卷四十七 賦

卷四十一 詩 賦 辭 賦

卷四十二

碑

跋

卷四十三

碑止

卷四十四

碑下

卷四十五

記一

卷四十六

記二

卷四十七

記三

卷四十八

記四

卷四十九

傳一

卷五十

傳二

卷五十一

碑道碑

諫

祭文

卷五十二

墓表

墓誌銘

序錄第十八

卷五十三

雜錄

卷末

書

姓氏

舊跋

雜說

衛輝府志二十九

名宦

下

袁仕湖廣棗陽縣人進士宏治七年任考城令隨機  
城隍擢河南道解縣令才猷敏捷政

暨世隆山東臨清州人由舉人宏治七年任考城令隨機  
察案無能出其右者時官署學宮率多草創不  
論下煥然一新皆其力也後以憂去

澤山西代州人正德年任知府時葡寇倡亂乃身親戎  
警編行伍率民守城晝夜嚴備賊畏其威遠遁民賴以安

後遷長蘆運使

葉松商州人正德中任汲縣知縣平恕不刻剛果有爲在任允載不携妻子清撻始終如一多善政得士民心邑人頌之

韓貫直隸霸州人監生正德間爲延令剛毅明達增築城垣鑿深濠池種柳數千株首建協濟之議申請上司歲得封陽二縣銀陸百餘兩以寬民力保愛貧民招撫流離愷悌之政久而無斃邑有刁民張姓者父子濟惡悉杖斃之遂棄官還歸

孔鳳寧海人正德中任非城令才優而政平易吏民愛之

工部主事歷官臨洮知府祀名宦

陳滯寧遠人舉人正德初爲濬令能詩文尤善談兵巡撫薦其有文武才由大名府教官陞知濬縣值寇亂募兵設守賊至相機設計屢戰克捷以績陞本府通判入名宦祠

胡惟良堂邑人舉人正德時任濬縣謹慎畏法治濬六月遇暴疾卒貧無以爲殮百姓傷之入名宦祠

苟汝安蒲州舉人爲濬縣教諭性嚴有文學立規條修文會士風翕然尤有治事才官至御史出爲僉事

陳嘉言祥符人舉人爲濬縣教諭主諸家書法教士以行誼爲先士風丕變時有來鯉之異稱曰濱州先生有去思

碑官至知州

陳綬西安舉人任濬縣教諭端嚴謹密毫髮不紊以實行教士士敬憚之有以修儀見者輒赧然見于面尤恤貧儒引援有志節者二陳之時學中稱多士爲立去思碑官至叅議

孫孟和山東商河縣人進士正德六年知滑縣事時劉賊倡亂城被圍誓衆守死賴以全後至監察御史

張經西平人正德間任滑縣丞政勤而才長陞知縣

郝鶴山西安邑縣人由進士任滑縣令以猛蕩寬吏民畏

之登官山東按察司副

毛堂南陽人舉人正德間任涇縣教諭持身以正課士有

方

黃雄浙江烏程人由進士正德六年任考城宅心剛正蒞  
政嚴明流賊大起保障城池當道極褒嘉之陞普安州知

州

段繡湖廣江夏人由舉人正德間任考城撫恤良善懲治  
兇豪吏民至今猶懷其惠

呂顥字幼通陝西寧州人嘉靖中任知府嚴毅不阿修  
舉廢墜尤加意學校作新士類一時科目盛稱得人斥毀  
淫祠崇祀八蜡善政爲多歷陞順天府尹

孫繼魯字道甫雲南衛人嘉靖中任知府廉約自飭勤恤  
民隱誠意懇至惠政在民甚多尋調淮安去之日士民號  
泣遮留立石頌德清介之操人所難及世廟聞之嘗稱爲  
天下清官其任淮安時與中貴相抗中貴泣訴巧詆肅宗  
不許僅調他府而已歷副都御史巡撫山西生平以氣節  
自勵後爲分宜所排陷卒於獄贈兵部侍郎謚清愍

王聘字念覺山東利津人嘉靖中任知府清白律已豈弟  
宜民釐奸剔蠹政無偏枉事有益於地方者慨然以身任  
之毀譽利害弗計也緣肅廟南狩行在火解任去百姓思  
之爲立碑建祠焉

郭乾字孟復直隸任邱人嘉靖中任知府端重老成政敦大體節用平賦在任多所興革而秉法明禁剛正果決雖寵勢干請終無撓屈百姓賴之秩滿以遷擢行爲立遺愛祠祀焉歷官兵部尙書

陳慶字履旋江西永豐人嘉靖中任知府博雅好文宗陽明之學處事以靜歲飢捐俸以倡義賑士大夫感而輸助立義賑亭又構文會館於亭之旁與諸生講學寒暑不倦民思之立祠以祀歷陞太常寺卿

張昇字伯東山西陽城人嘉靖中任知府性朴直守廉介處事敏練尤尚儉約教民植桑多惠政爲立遺愛祠祀焉

孫一正字格卿陝西渭南人嘉靖中任知府三年清慎不懈士民懷思歷陞左右布政府尹

梁紹印字勿菴東平縣舉人嘉靖間任汲縣知縣廉平不擾勤敏有爲陞河南府通判

侯郡字孟藩陝西鳳翔縣舉人器宇清和德性恬雅重然諾慎取與志堅而節苦嘉靖間任輝縣知縣當歲歉極力賑恤一以教養爲務抑強扶弱訓士廸才政聲大著世廟南巡上憲委署汲縣事以濟旁午百度允協行在火被逮卒士民哀慕若喪慈母

鄴元禮字白雲南海人貢生嘉靖間任汲縣知縣政體寬

三 名 冊 用 百 姓 懷 之 爲 立 去 思 碑

馬朋陝西咸寧人嘉靖間由舉人任新邑教諭師範端嚴篤學善誘所成就甚多有巡方使者謁廟值雨將堦堂上朋抗聲曰拜下禮也御史悚然復位擢南康府同知陞晉府長史祀名宦

方承恩字龍川湖廣大冶人嘉靖貢士授新邑令平易近人興行文教創鄉賢名宦祠朔望聚士子講藝夜分不倦邑舊有被誣久羈者七人至是力白恤刑使得省釋邑故民王恕婦孀居子甫七歲有豪宗夜拋嬰兒于其後園執匿名紙誣訟之承恩曰寡婦果有私孕產于暮夜誰當見

之且胡不遠棄乃使人得踪跡耶匿名文書時有明禁卽以造言之罪罪之婦行全其他抑強暴招流移修廢墜善政多端民感德爲立生祠

馬守忠陽武人初以秀才釋褐任獲嘉縣丞有治績歷遷知縣同知所至政聲著聞入爲監察御史陞右僉都御史周曉浙江山陰人出貢士嘉靖間任獲嘉庠諭捐俸倡修學宮

張道衡州衛人由進士嘉靖間任獲嘉令興廢舉墜葺理黌宮

鄧武齡江南無錫人以貢士任獲庠訓精於戴禮生徒受

業教誨不倦自後獲始有禮經科第繼起

李尙實山西長治人嘉靖間以春秋魁於鄉隆慶間任淇縣知縣和樂豈弟易直慈良清慎持身勤敏趨事增飾學舍敦禮師儒斥毀淫祠挽扶澆俗且文齊左馬詩追李杜筆效鐘王則其餘技也當道交章薦舉陞裕州知州仍管淇縣事一年以憂去淇民思之

左桂寧州人由舉人任昨城政尙嚴肅吏畏民服擢御史  
祀名宦

王誥江西清江人選貢嘉靖間任昨城政見去思碑祀名

宦

楊麒上饒人進士嘉靖時任濬令廉謹不擾時稱良吏宜  
溝店逆旅主人殺客而有其貲置屍井中侯發治之因得  
劇盜數十人境內以寧以續爲吏部主事官至工部尚書  
邢如默臨邑人進士嘉靖時任濬縣明敏有政事才剖決  
如流馭吏役得法莫有窺其意向者官至都給事中

石茂華益都人進士嘉靖時爲濬令氣宇寬洪案牘無滯  
禮士愛民最號得體一奸民爲匿名書達之察院事聞動  
止如故雅量人不可及累官兵部尚書有去思碑

蔣宗魯普安衛進士嘉靖時任濬縣存心慈愛爲政以寬  
編福得象心民思之爲立碑官至都御史

魏希相陽曲人進士嘉靖時任濬縣明達剛正一事不苟  
其廉如水聽訟若神民不敢欺凡疑獄上官悉委決焉寬  
稅糧之限每不刑一人而完留心撫字民甚感服擢御史  
有去思碑

陸光祖平湖人進士嘉靖時任濬縣剛正廉潔政務大體  
崇節孝上德行白寃抑雅振士風樂取人善自奉儉約惜  
民財力凡事有不便於民者不顧利害求必允于上乃已  
惠政多端民思之爲立碑建祠官至宮保吏部尚書

董世彥禹州人進士嘉靖時任濬縣性真實明達有爲以  
禮待士言出有信用法平恕安靜無擾士民懷之官至兵

部侍郎總督三邊

高察內江人進士嘉靖時任澹縣令爲政嚴毅有斷吏民畏之奸強歛迹編徭稱善累官布政使

韓福陝西西安前衛人由進士知滑縣廉直威明勤于政事官至戶部左侍郎

苟天常洛陽人舉人官滑縣教諭學行俱優講課不倦擢順天府教授歷官戶部員外

賈世祥山西代州人進士嘉靖間任滑縣端方凝重剛介不阿引教士類不廢寒暑政事因革不拘故常酌地均

民無偏素元

民夫守城賊蟻附而上衆欲潰惘以力擊賊賊懼而退  
城賴以全歷官苑馬寺卿

歐珠四川潼川人進士以御史言事謫官滑縣節用愛人  
通商惠工既去民不能忘

高進錦衣衛人進士嘉靖九年任滑縣政事詳密裁革宿  
弊每歲俵馬舊無定制強者賄免奸者攬應進編以爲例  
歲有定名至今便之歷官至山西副使

劉維禴陝西清澗縣人進士令滑寬而不失其度吏畏民  
懷擢監察御史

彭範河南靈寶縣人進士嘉靖二十六年令滑縣德政爲  
四郡之冠擢戶科給事歷官叅政

任環山西長治縣人進士知滑事操履清介立政嚴明尤  
尚氣節負忠義遷蘇州府同知值倭寇亂誓死殺賊不期  
年擢兵備僉事晉叅政卒贈光祿寺卿建祠蘇州廕子世  
襲千戶

謝應徵安邑人嘉靖間任滑縣丞稟性剛直操守潔清陞  
知縣

張佳胤四川銅梁縣人進士嘉靖二十一年爲滑令性高  
爽有詩文名治邑多善政剽盜假使騎入署持刀索金公

希曰吾空署不足勵子欲邑曰家某某吾門下二并丹  
緹得千金可立致賊信佳亂發數紙所投皆敢死吏役魚  
貫入佳亂自門內躍出諸勇士操戈擊賊悉擒之濬才士  
盧相陷獄佳亂憐其冤白上帖未下惜相才邀入署見閹  
人列榻雁行構不屈佳亂驚謝曰越石父晏嬰誠罪矣其  
謫達類如此以賑荒有方蒙賚白銀擢戶部主事官至兵  
部尚書謚襄憲

孟重陝西渭南縣人進士嘉靖三十八年任滑縣廉慎明  
敏禮賢愛民歷知固始仁和俱有善政在滑時清查奸貪  
偽派銀數欺隱田畝且銳於表善遏惡興利除害滑人比

之東平王公擢戶部主事

潘澄河南人嘉靖間官誦導造士有方以憂去

劉漢儒河南沈邱縣人以進士令滑明察果斷以母憂去  
胡定湖廣崇陽縣人進士知滑事政尚寬簡工於詩文擢  
禮部主事

沈人神直隸嘉定人進士嘉靖四十二年任滑尹清廉慎  
密入覲遷吏部主事

甯文光江西浮梁人由舉人嘉靖間任考城論辯竦直掾  
履端方折地糧而司院驚心爲驛駟而笑談解綬公嘗自  
爲一聯云鬼神知我無私曲禍福由他自去來邑人副憲

禮之詳見均地修城記

方員安慶府潛山縣人由鄉薦嘉靖間任淇縣令廉能豈弟愛士恤民當道屢加褒獎秩滿陞戶部主事淇民思之張宜字時中山西蒲州人由鄉薦嘉靖間任淇縣知縣清慎有爲平恕不刻勸課農桑優容學校庶務畢舉百廢俱興當道以賢能嘉獎薦舉陞任後淇民如離慈母

張旂山東長清縣舉人嘉靖間任延津令廉明仁愛履正奉公興學校恤貧乏清刑獄捕盜賊民賴以安有古循良風居四稔擢饒州府同知轉長史去後延人思之祀名宦

張棐直隸邯鄲縣進士嘉靖間任延津爲治諳練政體約已愛民伸貧抑富時值水患勸殷實者出粟以救延之士民咸神明而父母之後擢監察御史祀名宦

夏茂湖廣監利人由舉人嘉靖間爲延令崇道德黜勢利愛老慈幼恤孤賑貧不事操切積弊悉除逃移聞風來復業者數百戶尤注意學校捐俸造士如冢宰李公少叅劉公皆由拔識服習訓誨者詳見去思碑祀名宦

王文學直隸饒陽縣舉人嘉靖四十二年任延津廉明果斷不畏強禦審編徭役一秉至公封陽二縣舊有協濟銀人不解公請以河夫民校等銀相准抑富伸貧民賴以安

陳遶青州人嘉靖間任昨城訓導日與諸生談身心於人之學甚精俸以周貧士陞知縣知名宦

張鏡北直靜海人隆慶四年以貢士授新邑令期斷有治才時學宮傾圮甫下車卽勸俸修葺巡視城垣登以磚堞不煩錢修民利賴之祝名宦

于應昌號晉山山西襄福人隆慶五年以鄉薦任新邑令清操自矢悉屏餽遺執法不少屈人亦不敢干焉每戴星出天以勤公務暇則講學與中子構課不倦建合河橋以便與徒治最擢南臺御史

郭鄂陝西涇陽人由舉人隆慶間署獲庠論持身課士卓  
有古風造祭器虔祀典行必矩矱教本先程士習爲之一  
變陞國子監助教歷郡守

潘良貴浙江上虞人進士知獲嘉縣蒞官勤慎邑務修舉  
陞大理寺正

張指南直隸開州舉人隆慶間任延邑守已廉潔澄事精  
詳西河等村有奸民投獻王府子粒一地二糧民甚苦之  
公力請當道蠲免民困稍蘇陞磁州知州詳見去思碑記  
唐宗正湖廣靖州人隆慶間由舉人任昨城論學周鼎順

勤子課士作人有道應聘江西房官世嗣仁守司里祀名

李席珍濟寧人隆慶間任昨城司訓振作人文士風丕變  
陞武安知縣祀名宦

李呈明山東陽信縣人舉人隆慶五年任對邱建修府城  
最爲完固避兵禦水邑人至今賴之

張敏陝西南鄭縣人由舉人隆慶間任者城正體統隆學  
校興利除毒裨有能聲以憂去

周起宸字倬之浙江人進士萬歷間任知府罷躬耿介任  
事擔當時值藩藩封建不辭勞怨極力調停民賴以安加  
意學校考課精濳文風大振科第蟬聯皆其力也後陞陝

西按察使調積善提學郡立祠祀之

其邑也

傅廷魁字觀欽大司人進士萬歷間任知府政尚嚴明令  
行禁止不畏權勢作興學校修飭廢墜士民德之調河南  
府陞山海兵備死節

魯通彥字伯彥山西舉人萬歷間任同知清和平易  
九年編攝六邑久著政聲陞隆州知府

王興博呀人進士萬歷間任知縣精敏善吏治民有  
訟者令兩造至前片言剖決悉得其情咸悅服而去時稅  
項因出所率虐民畏賄恐變興撫定之項俾民疾苦增爲

民斤不復肆民始安

劉朴曲沃人進士萬歷間任汲縣知縣爲政廉明不擾  
民相安陞南京戶部主事

余相浙江會稽人少高放通六經萬歷間由舉人爲新鄉  
令甫下車首重文教設義學置學田以資多士人文由是  
蔚起尤加意民事建省耕樓朔望聚老幼課以農事師  
旅雜徭鄰邑周章無措相治獨從容就理特邑乘未脩暇  
日謀諸耆彥稽古採今始有成書陞南京上元縣尹

盧大謨北直永年人萬歷間由鄉舉宰新邑爲人朴質廉  
而不矯下車值歲荒緩征均役民賴以安嘗閱城抵北門

歎曰山川靈秀萃于斯乎會有大木填河干詢之乃封藩  
閘水濟舟者遂取剗門樓以迎風氣不煩民財而功成焉  
爭訟者或不持牒徑至庭下恣民所欲陳既而爲說利害  
如鄉三老聚雞黍爲側隱之心可掬以是民無奸貪輪相率和解雅  
尚文學績築邑乘陞任去士民思之

魏若金山東東平人萬歷間以孝廉知新鄉縣事強幹有  
風力先是額糧頭緒繁多苦累上戶因改爲一條鞭行官收  
官解法百姓便之故舊偶來遊輒堅謝去之巨邑民賦役  
不聊不能以膏火飲賓客也友亦嘉其廉焉

毛維雛薊州人以進士任新邑令冲恬好儒術有惠政以

人後數年衣破衲遊共城山士民聞之傾城往謁急匿  
云

劉夢熊沁州人以舉人授新邑令明敏善斷性嚴厲  
力釐清諸弊時稱能吏

徐可大號恕藏直隸密雲人由選貢任項城才幹素著萬  
歷間以福藩過衛調新邑大有能聲招逋亡給牛種嚴郵  
傳善政爲他邑式其自持廉慎一介不取遇有當懲者第  
罰穀貯常平積至八千餘石去任後飢饉流至百姓仰賴  
倉粟得全活者甚衆陞開封同知後歷御史

董用威河間人萬歷間由舉人任新邑居官六載蒞事勤  
慎政尚寬和尤推誠不疑居常戴星而出夜分始息以治  
行擢戶部主事

聶良杞字子實江西金鄉人進士萬歷間任輝有學有守  
有爲其大者開墾六渠荒田種稻二百餘頃民至今享其  
利復修百泉書院以培文教改正先賢祠之增祀先聖謂  
孔子不宜輕祀書院稽古定制立廟於庠序配享有體從  
祀有誼非可私創而擅增也今學宮祀先師矣而書院復  
設聖像上丁祭於學宮矣而下丁又續祭於書院且十賢

十賢可舉於  
學而柳城與肥  
福宜皆處文廟

請於督學郡守從所請將文廟仍舊修葺而  
鼓舞振興嚴立教條士風大振重修書院志士民至今思  
之不忘

黃應旌貴州前衛官籍廣東海康人舉人萬歷間令獲嘉  
愛民禮士去有遺思

張一心字道宗直隸獲鹿人由進士任獲嘉令多善政其  
大者築郭濬隄以防水患嚴捕盜賊民得安枕尤注意學校  
課諸生程其藝而差等之人思淬勵造就譽髦極一時之  
盛在任五年以憂去邑人立祠祀之

張諭字蓋明山東滋陽人萬歷丙戌由鄉薦任獲嘉令以

嚴明飭吏慈愛字民丁亥歲大祲其明年又祲疫死者相  
望論藉飢民而分哺之全活甚衆

李年耕杞縣舉人萬歷間任獲嘉庠諭學緣古今尤勵清  
操擢山西崞縣知縣

陳禹謨字錫元江南常熟人由舉人萬歷間任獲嘉諭甫  
至暗黷宇頽敝慨然以修繕爲己任紳士助貲者響應新  
大殿創經閣倫堂門廡煥然改觀置學田以資永久用楹  
富才學自經史以逮竒編奧帙靡弗搜撫善詩古文詞林  
儷五子間所考經言枝指有功聖經說儲一書清談雅致

竟者疑蘇黃小品先是邑志未有成書禹謨是爲纂集

作佳乘轉南京國子監學錄監兵部司務員外郎  
川按察司僉事貴州布政司叅議有去思生祠立學之  
商賚山東陽信人鄉魁萬歷間希獲嘉下車詢民疾苦請  
改漕糧捐寬布折俵馬皆得報可民甚便之獲地多  
資爲具牛種農器募民開墾聽訟務在得情不事武健刑  
至彌月不用盡除諸生更繇士民德之

陸价四川合江人由進士萬歷間任淇縣知縣仁慈寬厚  
平恕公明勤政愛民知人得士且廉介自持一毫不苟陞  
南京戶部主事去淇之日囊無餘貲淇民愛之立碑建祠  
著行義福建長樂人由進士萬歷間任淇縣知縣立身端

雅行政寬和勤恤民隱更新庶務拓太和泉爲池以太水利漑田百餘頃淇民便之陞任後數十載猶稱頌不置劉學言山東萊陽人恩選萬歷間任淇縣知縣德器寬宏才識明敏和藹接士平易近民政簡刑清人每以劉寬儉之稱曰仁君立祠祀之

鄭和乾湖廣安陸縣舉人萬歷間任延津簡易廉靜恥競浮華施耕牛以墾荒田分逃地而清逋負親課諸生誨人不倦歷官四載始終一節陞饒州府同知見去思碑

陳永蒲州人舉人萬歷間任昨城政見去思碑

徐汝孝嘉祥人萬歷間任昨城訓導課士維勤綽有賢名

後撫寧知縣祀名宦

楊鏞榮縣人進士萬歷間由給事中左遷濬縣令留心風  
社不以升沉怏怏慳南評事官至郎中有去思碑

任養心芮城人進士萬歷時任濬縣介節仁心一時循吏  
茸學宮築堤岸緩追比減課程化民訓士孜孜不倦官至  
巡撫有去思碑

劉煥字支華睢州人進士萬歷時任濬縣邑介淇衛屬中太  
濬侯親爲疏濬隄防堅緻申孝弟興學校措置有條不擾  
而辦官至叅政

周爾發同安人進士萬歷時任濬縣慈祥博大獎進士林

哀矜鰥寡官至應天府丞

焦源博三原人進士萬歷時爲濬邑令嚴正無私剪平井店劇盜免隣境之憂患彼中父老焚香頂禮夾路迎送者數年擢授御史

趙建極永寧人進士萬歷時任濬邑令清楚通賦增浚邱濠創築河堤重修聖殿建造書院市集郵館亭舍多所經畫陞戶部主事官至山西布政使流寇破太原死之

林紀閩縣舉人爲濬庠諭有美才作文援筆立就工書畫尤多逸興教士以寬士皆悅之陞知縣

田一鳳祥符舉人爲濬邑教諭師範嚴肅一毫不苟所著

有正心圖說守史粹言整飾祭器凡筵改觀官至同知  
何讓汝州人爲濬邑訓導明性理之學教人勤懇詳至察  
諸生中尹雄可教而苦貧引與居日夜訓飭且授以餐雄  
果登弟讓以績陞知縣

柴選太平人任濬庠訓學問平正講論終日無倦意諸生  
聽講者聽其去來弗來者亦不之咎曰當是無好議論也  
士咸感服

劉師魯山東掖縣人進士萬歷間由元氏令以才能調滑  
明敏寬厚政務嚴肅誘掖獎勸士風大振擢戶部主事

鍾羽正山東益都縣人進士萬歷間知滑事廉明果斷迅

若神明奸猾屏息士民愛戴擢禮科給事中官至太子太保工部尚書

方學顏萬歷間任滑縣訓導待士和而有禮陞猗氏知縣劉卿陝西興安州人進士萬歷間由武強令以才能調滑刑清政簡吏民畏服擢吏部主事官至朔州道在政叅議侯慶遠山東滕縣人進士萬歷間自大同縣服闋補滑端方剛介明達周詳吏無敢欺興學作士擢工科給事中

史學遷山西翼城縣人進士萬歷間由威令以才能調滑明敏廉威決斷如神寬嚴並用吏畏民懷擢雲南道御史

趙士吉山西樂平縣人進士萬歷間由陽武令以才能調

清慈惠明達政尚寬仁民甚懷之丁外艱去官至工部郎

王尚桐侯官人任滑縣之清約自守署縣篆多惠政遷滑  
齋紀善民立碑以志去思

王廷諤河南項城人進士萬歷間由內黃令調滑明敏簡  
靜以孤高被劾改教而去

張新詔山東掖縣人進士萬歷間任滑縣勤慎明敏清而  
有威作士愛民口碑載道擢監察御史官至僉事

謝陞山東德州人進士萬歷間由遵化令調滑器宇嚴肅  
操守端廉執法不撓行取授吏部主事官至宮保尚書大

學士

趙時晉山東平原縣人進士萬歷間調任滑邑賦性寬和  
不事威嚴捕滅蓮妖修理城垣學校擢戶部主事

李養質山西蒲縣人進士萬歷間任封邱立政嚴明力禦  
河患調陞工部給事中遷密雲兵備副使

詹頤吉四川巴縣人舉人萬歷間令封邱存心愛民政尚  
寬厚建儒學魁淫樓有生祠

張鯉山東平陰縣人進士萬歷間為封邱令與利去害草  
弊黜姦德威並著吏民畏愛之特立祠有羣人輓詞祥符

有生祠去思碑

馮尚湖廣江夏人由舉人萬歷間任考城居官簡易深得民心陞王府審理正民立生祠祀之

湯九星江西星子人由舉人萬歷間任考城築城池復闢荒修學重新城隍廟不費民財乃廉而有爲者人名宦祠齊一整山東東平州人由舉人萬歷間任考城忠厚朴實恤民愛士綽有古君子風

段爲袞直隸順天府人由恩貢萬歷間任考城增築土城修理學舍却金革弊清風著聞

潘嗣袞字君猷南直淮安人天啟間由選貢爲新邑令精操自勵不愛一錢事極冗迫終無疾言遽色晤對如飲醇

行狀序  
卷二十一  
三百九十

邑當八省孔道輪蹄如織走馬愈派民間動輒破產嗣獲  
力爲申請置官馬民困得蘇至今便之時王府校卒橫暴  
屢紿以法卒呼爲鐵頭使者惜以憂去

鄭光溥北直魏縣人天啟間由童士任新邑教諭古道宜  
人有識鑒造士多顯達捐布救貧置棺恤死及遷王府教  
諭行李蕭然

李圻延津人以貢士任前鄉訓導生徒費禮悉屏却之時  
復杯酒論文誨人不倦

并東星陝西朝邑舉人大啟間任延邑剛毅明肅不畏強  
禦大布疏食有寒襦所不堪者初延苦六吏役每歲發書

民畏如湯火公至詢其苦嘆曰此事本爲民所以若此者  
以工食不時給而館餼無資打點稱貸于豪右也遂下令  
有願吏爲續給馬價二十兩以後月給工食銀四兩民信  
之不簽審而爭赴焉且釐弊剔蠹諸費盡除豪右無所  
其利民德之畫像以祀未三年陞判山東濟南府尋以不  
媚上官歸里後延人有至陝者持像而拜于庭曰公德及  
延者深家而尸祝之者如是公赧然曰予德何能及汝至  
今士民稱賢令必曰非公曾見去思碑

楊承父東明舉人天啟間任昨城諭經明行修才優守潔  
日舉士子論課當道重之擢滕縣尹祀名宦

元之偉萊蕪人進士天啟時任濬縣公平無私馭下尤嚴  
胥吏重足而立而臨政簡易民尤便之陞戶部主事

汪廷佐繁昌人任濬邑訓導正大有器識與士論道義重  
氣節士風爲之一振陸侯甚禮重之咸稱松崖先生

龐文奎陽曲人歲貢任濬邑訓導直言規過待士以誠刊  
小學置學田督捐俸爲之

王廷對天啟間爲滑縣訓導以正持己以禮訓士陞雙流  
知縣

楊進山西蒲州人進士天啟甲子任滑縣方正嚴明刑濬

濬簡三載吏畏民懷

彭乾四川舉人官滑教諭學有淵源心無城府陸莊浪知

縣

馮一鴻浙江錢塘人舉人天啟間任封邱以國督諭陞性  
儉朴勤政治每歲勸課勤敏置社塾七設更夫百蘇居民  
城守之累在任四載與民相安有大馮君之謠陞真定府  
同知立有生祠碑記

房建極陝西三原人以進士爲新鄉令高才能文遇事有  
擔當崇禎間流寇逼境躬率鄉勇斬首級奪馬驟寇不敢  
犯素性清介民間有不飲新中水惟着舊時袍之頌祀名

宦

米壽圖安化人由昨城令調繁新邑力折藩尉創建磚城  
革私役墾荒上引衛河灌田時土寇充斥民賴以安擢南  
京御史

李昇雲南昆明人舉人崇禎間任獲嘉令值奇荒勸富民  
出粟以賑禁竄盜搶全活無算民甚德之

崔庚字長庚保定府容城縣人由鄉薦崇禎間任淇縣知  
縣爲政公明居官清慎作興學校惠養黎元蒞任四載

終不渝陞南京西城兵馬指揮萬民焚香叩送號泣之

開數里

厚清介勤慎值庚辰奇荒之餘民似晨星事如蝟毛兩署  
縣事二載有奇喜怒不形威福不作凡有繁難大務密申  
上臺潛消禍蘖不惟百姓不知卽胥役亦不覺也夙夜勤  
敏以病卒於官闔邑傷之

李呈祥山西隰州舉人崇禎間任延津性嚴毅素履端方  
課士修學人文蔚興令行禁止稟視屏絕筵城勸農均徭  
役戒侈靡善政歷歷可頌邑人爲立去思碑并建生祠祀  
之

陳四賓銅梁人進士崇禎時任濬縣平情率物雅量非常

而唐尉遲繁端緒裕如民至今懷之

張肯堂華亭人進士崇禎時任濬縣精明敏練文武具足  
捍禦流寇保障全境惠政多端道路稱頌著有莞爾集保  
黎錄官至巡撫

李化桂陝西吏員爲濬縣典史顛直敢爲立心剛正明朝  
論喪闖賊遣僞令至濬化桂與紳士劉尚信王元衡等密  
謀倡義募勇恢復計泄被害尚信等亦幾不免闖邑傷之  
張忻山東掖縣人進士崇禎間自夏邑令調滑練達吏事  
剴斷如神案無留牘公餘染翰片紙箋字人得之如拱璧  
文章政事爲一時冠擢吏部主事歷官刑部尚書

溫和政治嚴密壬申陞工科給事中官至宣大總督

曲和聲掖縣人甲戌進士任滑縣教諭端方醇正多士奉  
爲楷模官至主事

王都字介清山東德州人進士癸酉以元城令起復補滑  
縣明察果斷人不敢欺愛民訓士真誠懇至時流寇震隣  
練鄉兵泝城守乙亥行取丁憂歸服闋授禮科給事中官  
至太常卿

羅璧河南光山人進士丁丑知滑縣事爲政精密修城之  
役三月奏功民不知勞時值歲飢傾倉賑濟緝盜亦嚴士

民感之調繁元城

李岩山東萊陽縣人進士庚辰自曲周令調滑時值奇荒人相食多盜剪除防禦不致蔓延邑賴以安壬午內陞刑部主事未幾出守開封

歐陽蒸湖廣潛江縣人進士癸未任滑縣清執簡要民自不擾行取入京

蘇茂杓福建晉江縣人舉人崇禎間爲封邱令政治嚴明禦劇賊有功陞開封同知流寇決河灌汴殉難

張聘雲南太和縣人舉人崇禎間任封邱時值奇荒撫字倍篤後流寇陷都門棄官不仕所之

許穎光州人舉人崇禎間任封丘令諭端潔糾邪言  
圖不圖課士有聲協力守城禦寇封民戴德登甲戌進士  
授元城知縣任滿過里遇闖賊殉難

程之誠湖廣黃崗縣人由舉人崇禎間任考城刑清賦會  
平易近人境內享無事之福陞開封府北河捕同知

崔天印山東濱州人由舉人崇禎間任考城勸農桑免月  
課嚴毅清正士民畏懷

楊啟元直隸豐潤縣人由舉人崇禎間任考城執法不阿  
百廢俱舉賂津糧賑奇荒修城垣建學宮整隍廟逐客兵  
救難民屏火耗禱雨澤驅蝗蝻除巨惡撫良善捉奸細獲

印信剪詐僞伸冤抑異政種種士民謳歌爲之建祠置地  
繪實政圖

國朝

張宏猷字調鼎遼東人貢士順治二年任同知精敏有吏  
才佐郡多善政如審編軍戶清核公平士民勒石感恩陞  
長沙知府轉桂林兵備

梁倅山西人貢士順治三年任知府清介自持恤民愛士  
詆德安府

李樞生字參元山東人貢士順治九年任知府清正不阿  
爲已愛民官吏畏服引疾歸衛人至今思之

治時軍興頻數供兵養馬凡事就理設農官以勸農創立  
縣城隍廟建縣庠明倫堂在任五年興利除弊果敢為  
去後民立生祠于城隍廟右祀之陞慶陽同知轉龍安知  
府

曹士琦字韓伯奉天人順治八年任及縣知縣廉明仁恕  
招撫流移整飭驛遞時遇官兵過境具芻糗出納公平措  
處有法絕無擾累尤加意優禮士大夫陞蔚州知州

張邦佐字德菴奉天人順治八年任及縣知縣少年簡樸  
加意民瘼卒於官郡邑無少長咸為悲嘆

陳宸銘字我愚山東人進士以給事中謫布政司都事順治十二年署汲縣篆極力整綏疲邑色起去之日民空城送之立去思碑

胡印瑞字兆山孝感縣舉人順治十二年任汲縣知縣優禮學校審斷公平時方有征討之師遇盛暑頓兵歇馬於此凡芻糗器具皆預爲整備無缺一切出納不使高下害民在任五載政平訟理行取赴京士民懷思

王克儉字立菴江南海州人順治九年任新鄉令威重有度撫黎庶如赤子惟以蠲徭息訟爲心博學通文城著有

詩經比歲獻捐賑公傳氏名黃可夫

爲善政所感去後民思之立生祠

紀國相字弼廷遼東開原衛人由貢生任輝縣令寬猛相濟吏畏民懷時當流寇破殘之後修理城隍招撫流散通商賈設義學尋以才能薦陞湖廣永州府知府順治五年降將陳猶龍叛兵犯永城陷城節子宏謨請卹 賜祭一

壇加贈太僕寺卿廕一子入監康熙五十九年入祀名宦  
佟國璽遼東撫順人由貢生順治七年任輝縣令崇學校課農桑民貧不能開墾者給以牛種勸令復業邑遭水患五閘衝決公督修築水歸故道稻田之利復興歷任直隸

保定府知府康熙三十六年入名宦

劉元芳直隸清苑縣舉人順治二年任延津廉慈朴直不事浮飾省征徭寬賦歛惜驛馬恤夫役時暇則進課諸士口講指畫悉有規度一時政清刑簡民安士寧陞工部主事

李如滂高陽舉人爲濟岸諭勤學課文夙夜不倦卽任中成進士

郭心印山東樂安縣人歲貢順治二年任滑縣爲政精明振作人不敢欺待士有禮修學宮建義學士民德之

劉道宏雄縣人貢生順治二年任滑縣教諭兵火之餘士氣靡

陳啟太遼東蓋州人貢士順治四年十二月知滑寧年少  
而英毅老成聽斷明敏嚴守城池始終不懈整飭武備賊  
不敢犯四境奠安尤雅意作興文教九年二月行取擢廣  
東道御史後累官閩海道值耿逆叛闖家盡節奉

旨優卹贈工部右侍郎滑人德之立祠祀焉子汝器承廕  
初任卽授左通政洊歷顯職

王鼐山東歷城縣人戊子副榜順治九年令滑性長厚潔  
已愛民興學課士民德之立祠於十字街北左偏

朱之翰江南上元縣人丁亥進士順治十七年任滑縣嚴

以持已寬以待人薄賦緩刑尤重文教東南城角創建奎樓本邑科第蟬聯民深愛戴立祠祀之累官河南學道

余籍浙江諸暨人進士順治十一年任封邱時河水衝沒後環封鞠爲茂草村居數椽僅蔽風雨自奉淡泊不異儒素至利害關民力爲陳白所欲興革必如其議而後止卽驛站一事抗申再四後竟得請至今封民無驛站之累者皆公之力也逮河口甫塞卽加意招徠勸民復業披荆棘芟草萊重建學宮城隍諸廟并縣署樓堂門廡七載未嘗自逸暇卽講學課藝多士蒙其德造秩滿擢御史去後民

張旻山東沂水縣人拔貢順治十六年任封邱時城邑未復仍寄治於縣西于家店布衣帛冠自奉泊如早夜以被水之民流離四方爲憂多方招徠令其歸耕廬舍漸興華漸墾而公以內艱去矣公寬厚有威明察能斷待人皆尋大體而吏無敢爲民蠹者臨事剖決若神案無留牘在官一年卽去至今人猶思之如慈母云

屠粹忠浙江鄞縣人進士順治十八年任封自黃流衝沒地變沙灘城社傾圮一望蒿萊公下車日進二三父老商確疾苦遴士著招流亡多方挑除淤沙修葺城垣爲民棲止計察民間疾苦無耕具者借給牛種勸諭開墾二三年間

民始有家天性仁恕聽斷明敏片言判曲直而民自不究  
尤雅好作人重建文昌閣奎星樓振興文教每朔望同學  
博會文課士訓解諄諄不倦供饌資賞從厚一時文風蒸  
蒸蔚起後行取禮科給事中百姓扳轅臥轍願公再留今  
立有生祠頌德不衰云

王期直隸固城縣進士順治二年任封時值編審以疆  
域廣靖民困桑詩金邑人戶悉定爲九則河工嚴急上檄  
令封邑買稍草鉅萬方愁苦罔措期已令役持帑金赴  
別處辦納訖而民未之知也凡爲民興利除害類如此未

論年陞禮部王事邑人

行德政碑記

未幾字子飛順天人丙戌進士順治四年蒞封時當奇荒  
去夏之後村落幾墟人烟殆絕兼值汴省淪陷往來使節  
咸假道封城迨迎供億之繁不可殫述翔身歷諸艱一以  
爲事簡靜治之民業未復多方招徠勸墾分甘茹苦相與  
休息生聚教訓無遺力焉公事之暇卽講學課士一時人  
文蒸蒸蔚起間有巧猾爲民蠹者嚴法剪除務盡惟東省  
餘寇時介馬突臣頗爲地方害翔訓練防禦整厲有法民  
不知有寇并不知有兵率安堵無驚擾時封城酒帑餉銀  
山積群盜耽耽終莫敢犯凡貢賦入都者由其道咸賴無  
虞視事三載封土鷄犬相聞烟火相接汴民失業來歸者

卜居鱗集隣封乏令亦數借寇焉順治己丑歲河決朱源  
塞泗履皆成巨浸賴翔力禦者復二載至壬辰歲六月河  
再决城郭廬舍遂潰圻不可復救翔率民登阜每舟楫至  
不忍先渡必令百姓老幼婦女悉濟而後登舸故露處者  
閱五日始離城携家人出焉寄寓於縣西于家店茅屋數  
椽處之怡然惟重念封民昏墊之苦呼號哀痛力請蠲賦  
稅徭役以拯予遺暇則讀書娛志而月禮一書尤所深究  
雖勞憊未嘗釋卷癸巳冬以久績陞計部將發前數月念  
封邑協濟廩延夫馬爲累復力申當道獲撤免殘邑賴以

無息至春封民載之後陞吏部考功司郎中

傅夢麟滿洲人由貢士順治年間任考城府知府  
簡易陞衛輝府知府

劉愈奇滿洲籍山西大同府人由貢士順治七年任考城  
清正精敏強於政治改驛站除私派開荒田免金贖屏火  
耗訟解役更籽粒修衙舍立神祠禱雨澤重整文廟復舉  
鄉飲弭盜禁非封疆安靖士民愛之爲立石以頌其德陞  
開歸同知終四川保寧府知府

王維新滿洲人由貢士順治十一年任考城才能明敏政  
治威嚴蒞任三載陞直隸深州知州後歷陞江西湖東道  
楊恂包字南宗商邱人副榜貢生康熙二十一年任汲縣

訓導修學宮整樂器祭器招致侑生茂著勞績

佟國瑞字輯五奉天人廕生康熙二十二年任汲縣知縣  
居官清廉正直絲毫不妄取常于催科寓寬卹之意無迫  
呼頻數之擾治事敏練有能吏才葺學宮整祭器集樂舞  
生天旱禱雨輒應增修衙舍多立義塾培養人才省刑節  
用一時士民皆樂其業汲爲改觀

趙明綱字念常溫縣舉人康熙二十二年任汲縣教諭忠  
厚坦直興修學校勤懇課士在任九年克盡其職

王全臣湖廣進士康熙三十九年任汲縣知縣值撫憲飭  
革私派一力洗剔不少瞻徇弊政盡除凡民間疾苦直陳

無隱振興學校分建名宦淵賢二祠三載循聲茂著廉陣  
全州知州游歷潼商道

左有言字訥菴江西鄱陽進士康熙四十一年任汲縣知  
縣聽斷敏決度量寬宏尤善體察下情疾苦悉得上達待  
紳士極優禮而不得干以私在任三年良善蒙福奸宄戢  
心捐修明倫堂拔取孤寒之士公明廉恕內外如一以疾  
卒于官汲人痛之如喪慈父母

蔣中菀字霜英廣西舉人康熙五十一年任汲縣知縣慈  
愛居心簡易行政善催科不事敲朴大兵過豫一切支應  
措處得宜絕不煩擾歷任七載終始如一以老疾卒于官

歐陽維藩江西舉人康熙五十九年任汲縣知縣辛丑壬寅兩歲旱飢復有蝗盡心撲捕請發倉粟并自捐俸竭力賑濟賴以活者甚衆民深德之

白有輝字清臣奉天人康熙七年以父廕補新令風力嚴整一切裁以法度羈箝健卒境內無萑苻驚循田野辨穰瘠併櫃役民咸德之十三年值吳逆作梗羽檄旁午轉輸供億有輝因時幹濟無不辦給陞中城兵馬司指揮

劉之紓字長亭湖廣黃陂人鄉貢康熙十九年任新鄉革除宿弊聽訟公明暇日引諸生論說賞識不凡翰林殿元福其首選也以憂去士民老幼攀號三日

李登瀛字同臣奉天監生二十二年任新鄉性英敏治政廉明吏胥立無下屏息待呼罔敢錯趾事無巨細輒立剖奉檄修邑志廉訪碩彥考獻徵文互相折衷新祠宇傾圮者七載以變去立祠祀焉

郭如岳洛陽人康熙二十七年以乙卯舉人任新庠教諭襟期洒落訓課嚴明文教爲之大振丁丑成進士授龍巖令

李登瀛字東舉江南華亭人乙丑進士康熙三十年任新鄉政教尙寬和不喜紛更嘗云爲政當察理驗情若參以己意人言便生障閔以故訟庭閒靜可張羅每公餘進多

士講業角巾野服蕭然儒生值大比聯七作會扃門如棘  
開制甲乙允當人文蔚起癸酉殷元福獲解首卽出其門  
人以爲遇合之奇邑當南北孔道貴津往來飲食供帳禮  
惟適中人益諒其清操後擢御史亮節著于朝邑人爲立  
生祠焉

閻毅滿洲正紅旗人由監生康熙三十六年任新鄉性精  
敏臨民務持大體廉知無賴子多竄跡公門嘆曰此亂政  
之媒也立汰之初賦稅逋欠豪黠多寄名下戶追呼催迫  
惟貧者當毅親檢稅籍其流弊輸納不時者悉置峻法民

畏而懷之各鄉設義塾俾童子就業有凌侮者

之興情大快八載以艱歸祀主繪像者千餘家服闋補三  
河令尋遷常德通判道出新鄉老幼歡然送迎相望於道  
杜亮字子昭河內人以鄉舉任新庠教諭貌言古朴制行  
端廉表節孝聯社會以獎勸人文如是九載乞休歸里  
馮雲朝滿洲籍昌平州人由貢士任獲值兵荒後地曠民  
稀兩驛衝疲雲朝給牛種招撫流移以墾荒田置馬匹以  
充傳遞興廢舉墜邑治漸有起色實蹟俱詳碑記陞汝南  
屯田同知歷德安府知府

韓鴻坤遼東人由歲貢令獲邑在任六年愛民下士性勤  
敏縣務盡出獨斷左右片言不能入詞訟贖銀必歸公銖

兩莫取民頌其清

陳生吉字泰生直隸吳橋人由拔貢任獲嘉清廉仁恕愛民如子招撫流亡田疇開闢蒞任九載宦囊如洗嘗云異日與士民別歸携兩袖清風足矣後卒於官邑人如失慈母

趙國鳳字翹羽順天蓋州人廕生康熙十年任獲嘉清廉正直吏守其法如畏神明徵糧以月爲限無追呼煩數之擾後遂爲例民世食其福

田禹稼禹州人歲貢任蘇岸諭創魁樓設文會課士有淫文風興起陞知縣去

李振世字卧衡直隸長垣人由進士康熙三十四年  
愛民禮士有智略適軍興旁午綜理裕如民無騷擾戊午  
分校鄉闈所錄悉名下士以艱歸

何遠山西安邑人由進士知獲嘉縣剛正廉介愛士恤民  
以治最內擢

高必遜字枚臣旗丁監生康熙二十八年知獲嘉縣明察果  
斷投訟卽令訟者自拘兼攝新鄉篆會

聖祖仁皇帝西巡回鑾供辦裕如民不驚擾蒙  
恩嘉獎  
高擢固原州知州

鄒汝魯字鍾齋湖廣麻城縣進士康熙四十二年任獲令

禮士恤民擇諸生有志行者館給之程督課業有數童子  
府試被黜代懇督學收試榜發內售一人乃極孤寒者邑  
有公務取辦於民者民樂爲用雖困憊不怨任五年行取  
歷陞都憲

王璋正紅旗監生知獲嘉縣清約自持不屑妍媚長官有  
古循吏風以公事獲譴去民思之

孟繼美浙江會稽人康熙二年任滑縣數收和平人多思  
之

姚德聞江南吳縣人康熙二十三年任滑縣意量休養  
守廉介吏立於冰民登於春望  
人贊元足表異以疾休

陳紹浙江山陰人康熙二十四年任滑縣丞勤廉惠愛人皆感頌

王士炳山東掖縣人丙戌進士康熙五十四年知滑事八年多惠政乙未大軍西征時滑尚屬直隸例辦軍需從容措置不以擾民又奉調督餉軍前年餘始歸居恒待士訓課不倦滑士多所造就叙功應遷未及而卒人咸惜之

姚孔炳江南桐城人由廩生保舉令滑精敏練達長於治劇擢蘇州府知府旋陞江蘇糧儲道

岳峯秀山東汶上縣人進士康熙八年任封邱汶上去邑

最近土俗民情知之最悉聰察過人發奸擗伏塊若神明  
人敬憚之鮮敢爲非者民有爭訟務爲和平寬解俾歸於  
好嘗巡行田野間躬督農桑因其勤惰爲勸懲政暇課士  
較其藝而甲乙之人文爲之一變數死接士大夫詢其利  
弊自奉儉素布被脫粟怡如也邑南大工徃來大道諸上  
臺及過使者前後相望供億之費民甚苦之公斟酌待給  
吏無敢借端派累者時協濟桃源柳梢桃源去封邱千餘  
里轉輸爲艱公官爲運送不以累民間撫軍修疏薦行取  
給事中去之日父老子弟號泣遮留者塞道路西郊建生

祠焉

王賜魁遼東杏山人官生康熙十三年任封丘尹惟  
待物以寬蒞任後常以興利除害爲心封西南隅舊有濬  
河地八十餘頃頻年滄沒沿河居民賠苦不可勝言公力  
請鑿除蒙撫軍題請部覆 俞允至今人無苦累封經河

患後地成荒榛賦額日減公加意撫循數年內勸墾地七  
百餘頃增賦三千有餘又修理學宮訓課多士科第聯翩  
起建封父亭創翟母祠崇使君廟青陵臺煮粥賑飢捐金  
施棺種種善政未易枚舉後遷莒州刺史邑人建祠立碑  
徐建德字念修山西威遠衛人由歲貢康熙年間任考城  
縣遇事敢爲豪惡斂跡邑人累於河地貧苦莫支給牛種

徐光胤  
令耕護公私攸賴察院因兵火久廢設處創建不費民財  
劉際昌字盛斯正藍旗人由舉人康熙年間任考城性剛  
方寡言笑處事明斷迎刃而解時鄉有盜警親率健卒就  
夜擒獲由此群盜屏息復捐俸修殿廡手題 至聖木主  
迄今煥然鼎新陞雲南曲靖府馬龍州知州

王南國字道南湖南江陵人康熙間舉人授淇縣知縣清  
廉仁慈邑民感德立祠祀之

江詒孫字仲謀江南長洲人康熙間歲貢授淇縣知縣捐  
俸供軍需不累閭閻民德之立碑以志不忘

高輯廣西拔貢雍正元年任汲縣知縣時值旱蝗揭汲水

捕不均力爭之民得平勞役蠲亦不爲害者移其凡不  
便于民者輒懇切稟阻雖被譴責不少動嘗謂吾但不負  
此心一官得失何與焉牙行領買官糧多所虧折積欠累  
累監追押比有年皆貧無以償輯廉知爲惻然乃盡焚簿  
籍代完其值後調任泌陽汲人久益思慕

張鉞字有虔直隸清苑人進士雍正十二年任新鄉廉介  
剛正臨事齋肅雖盛暑必衣冠無惰容常以清慎勤三字  
自勵文牒必手自裁決不肯假隻字公明善斷執法不擾  
專惠窮民而嚴飭士類奔競之徒無敢以私干者邑北地  
多窪下陳堡左右數十里每歲苦霖潦與輝民爭決水成

徐文  
卷之二  
訟鉞詳請勒石分段築隄人民安集咸荷更生尤好引掖  
人才少暇卽進諸生課藝循循不懈如嚴師常語諸生曰  
生等惟務砥節礪操人自不敢欺卽有不獲已偶履斯堂  
余第持公法生等所獲多矣此外事慎勿頂也聞者咸歎  
服謂有古循吏風焉戊午辛酉門人暢俊郭均相繼獲售  
復出其房士類竒其遇云後五載以最擢鄭州牧

壽致浦字雲濱浙江諸暨人癸巳進士雍正初蒞獲嘉爲  
政寬嚴相濟民畏而懷之丁未挑濬丹河濬運工急術  
主者將以悞工中之民相告曰此易耳奈何欲奪我慈母  
身操畚鍤赴工所口數千人旁邑民亦來助役致浦捐俸

稱之不日告竣陞禹州

吳若臣字有容江南江陰人爲獲嘉丞慈惠民愛慕之修丹河修武民咸赴助工曰吳公長者不日丁歲丞固冷署與邑人士結文墨交厨烟不繼安如也同時盡致浦爲邑令安際昌任司訓人稱一堂賢更以終養歸韋樞字子雲永寧人由歲貢任獲司訓端厚有師範安際昌字達夫由歲貢任獲庠司訓以善教稱

蔡嵩年字峙中浙江石門人甲午舉人試獲嘉知縣旋實授政尚清簡與民休息黃練堤等村地苦鹽鹹詳蠲地糧四十二頃有奇民德之

譚養元湖廣漢川縣人戊子舉人雍正十一年任滑縣乾隆三年以病乞休而去滑人稱其清勤爲密留意風雅  
曾振宗江西隴南人進士雍正二年任滑縣清操自勵盡除積弊尤留意作養人材有古循吏風  
滑州知州

繆臻字子良浙江錢塘人乾隆壬戌進士榜後卽除獲嘉縣令慈祥敏達造士有方值歲旱竭誠致禱日徒跣數十里旋得甘霖卹民勸農不倦甫期年擢調商邱士民攀車泣送

梁觀我字民也號鏡潭江甯甘泉人庚戌進士知獲嘉縣

持節生有志行著留署內親課之邑歲久之修觀其志  
重纂網羅參考晨夕靡倦凡所更訂經有體裁卒於官  
范宗益字以道明性陽人丙辰進士任獲嘉慈以牧武  
刑或輒月不用會辦運東米戴星出入積勞成疾卒於官  
沈守敬字同叔浙江海寧縣人丁巳進士乾隆三年令滑  
有廉明之稱履任未久以憂去

趙開元字質齋江西奉新人也乾隆丁巳進士初令湯陰  
調新鄉文廟傾圮節俸修之建縣南書院以親授生徒第甲  
乙從遊甚衆彬彬如也後內擢主事洊歷郎中簡雲南楚  
雄府知府未之任卒

呂文光字斗垣江南山陽人也乾隆辛未進士宰滑縣邑  
多盜公懲摘擊伏無或縱修文廟暨歐陽公畫舫書院士  
服其化民歌其惠後以循良內擢主事人都時有巨盜數  
十人遮于道請曰公誠廉吏非敢不利于公但吾輩多良  
民驅於飢寒者公概以法繩之去乃刻乎願異日爲政少  
寬假也公諾之謹拜而去

王祖晉字笙客江南華亭人也保舉出身爲汝州牧乾隆  
十六年 上巡幸嵩高 行在 召見授衛輝府知府南  
下車興利除弊創建崇本書院給膏大拔吏峻士風翕然

後以親老歸

崖業山西忻州人先登員進士授其開印

崔嶸山西忻州人乾隆間進士授淇縣知縣才幹明敏臨  
事有擔當黃河漫口淇邑應派物料民夫均平攤派絕無  
偏累征西官兵過淇一切應用食物自爲辦理不以擾民  
庚午歲 聖駕南巡 御營駐淇凡飯館錢局皆出官錢  
爲費水不耗民財蒞任數年獄訟衰息奸宄潛踪至今人  
思遺澤焉

周堦字牖如江西龍泉人乾隆間進士授淇縣知縣下車  
卽以興學校重農桑爲急間民間疾苦時城北三里堡水  
現浸平爲患公督工修築水不能災天旱徒步禱城西北  
龍窟披髮跪香雨立滂沱創修西泉書院設館課士文風

日起每春秋輒出郊載酒餼勞農之勤力者民是以大勸  
五年終養去任百姓攀轅留者塞巷公作釋難辭並留別  
詩俱載藝文中

石玉珩陝西渭南人丙辰舉人河南試用信補淇縣縣丞  
嚴勵整飭棍徒潛踪民有冤枉為之伸理遇忤逆者盡法  
懲治善衡文淇邑才俊多出其門

宋仁溥字梅堂貴州天柱人乾隆間由翰林改授淇縣知  
縣性謙和遇事勤敏出俸金倡修書院于文廟右偏延師  
授徒文風蒸蒸日上勸民間隙地栽植樹木示以種溉之

法邑人呼為宋公柳斷賦明決無牽連詩曰首壽邑令矣

聘奉委審判竹立判濟濟間有清天之功  
猶扶病按事沒之且百姓哀號滿野執紼者以千計

勞經武浙江錢塘人舉人乾隆三年授淇縣知縣誠心愛  
民署中應用物件皆出俸錢買之辦漕號草絲毫不累民  
間舉善良懲兇頑暇與父老詢民間疾苦蒞淇十餘年士  
農安業商旅不擾解組日閭邑立遺愛碑

鮑志周浙江餘杭人拔貢乾隆五年知濬縣勤於吏事明  
決如神邑人號爲鮑青天

李輔德夏邑人舉人乾隆五年任濬縣教諭勤于訓迪絕  
苞直誠諸生不得奔走長吏庭士風丕振上官嘉薦之擢

浙江上虞縣令士林勒石誌之

曹熙字奕明會稽人以軍功授衛輝府通判輝邑有水田賦三倍河吏慮漕運茂阻禁民間不得分泉水公力請以七分濟運三分溉田勒石爲例民悅之攝開封府篆平反數大獄著獲嘉有賀紳者無嗣旣卒族人利其產爭進賄賂峻拒之衛義勳旣卒得賢嗣至今其家猶尹可焉

許信瑞江都人乾隆戊午科副榜任濬縣丞創修民堰堤坊捐俸勸建文昌閣士民感德卽祀主於文昌閣中至今存焉

人物

政績

漢

杜詩字公君汲人少有才能性至孝初爲郡功曹以公平稱更始時辟大司馬府建武元年歲中三遷爲侍御史安集洛陽時將軍蕭廣放縱兵士暴橫民間百姓惶擾詩勅曉不改遂格殺廣還以狀聞世祖召見賜以棨戟復以平河東賊功拜成臯令視事三歲舉政尤異再遷爲沛郡都尉轉汝南都尉所在稱治七年遷南陽太守性節儉而政

治清平以誅暴立威善於計畧省愛民役造作木排鑄爲農器用力少見功多百姓便之又修治陂池廣拓土地郡內比室殷足時入方之召信臣故南陽爲之語曰前有名父後有社母視事七年政化大行雅好推賢數進知名士清河劉統及魯陽長董崇等十四年疾卒司隸校尉鮑永上書言詩貧困無田宅喪無所歸詔賜絹千匹

漢書列傳

仇覽字李智一名香考城人少爲書生純默鄉黨無知者年四十爲蒲亭長勸人生業爲制科令至於菜果爲限雞豚有數農事畢乃令子弟羣居還就斲學其剽輕者皆役

汝田桑穀穀科罰嚴論前錄明大化事人有稟元者其

母詣覽告元不孝覽適元家爲陳人倫孝行譬以禍福元  
感泣卒成孝子鄉人爲之語曰父母何在在我庭化我鴟  
梟補所生縣令王負聞之署覽爲主簿謂覽曰不罪陳元  
得無少鷹鷂之志耶覽曰以爲鷹鷂不若鸞鳳與謝曰枳  
棘非鸞鳳所棲百里豈大賢之路乃使入太學時名士符  
融郭泰齋刺譏之因留宿明旦泰拜之曰君泰之師非泰  
之友也覽嘗以禮自整妻子有過輒免冠自責妻子庭謝  
候覽冠乃敢升堂家人莫見喜怒聲色之異後徵方正以  
疾卒三子俱有文史才少子鉉最知名

漢書循吏傳

### 三國

楊浚河內獲嘉人舉茂才歷安陵令遷南陽太守宣德教  
立學校吏民稱之徙爲征南軍師轉中尉黃初二年以市  
不豐樂下獄遂自殺三國志

南北朝

江秉之字鉉叔考城人少孤支其弟妹甚篤爲仕宋歷烏程  
建康山陰令皆有政績累官新安臨海太守並以簡約見  
稱官中所得悉散親故妻子常飢寒人勸營產答曰食祿  
之家豈可與農人競利耶在郡嘗作一書案去官留以付

庫南史  
列傳

言

崇龜字子長，睢城人。政會七世孫。舉進士，歷清海軍節

度使。廣有大賈，約倡女夜集，而它盜殺女，遺刀去。賈覺，乘

船去，吏跡買捕，劾得約女狀而不殺也。崇龜方大饗，軍中

悉集，宰人至，日入乃陰遣，易以遺刀，雜置之。詰朝羣宰，卽

庖取刀，一人不去，曰：「是非我刀，問之得其主名，往視則亡。」

矣。崇龜取它囚，殺之，聲言賈也。陳諸市，亡宰歸捕，詰具伏

其精明類此。

唐書  
列傳

盧真，潯陽人。懷慎子。早修整，爲吏有清白稱。歷御史中丞。

出爲廣州刺史。開元二十四年，帝西還，次陝，嘉其美政，題

贊於廡，所曰專城之重，分陝之雄。亦旣利物，內存匪躬。斯

爲國寶不墜家風尋召爲兵部侍郎天寶初爲南海太守  
南海水陸都會物產瓌怪前守皆以賕敗與至污吏斂手  
申人之市舶者亦不敢于其法遠俗爲安時謂自開元後  
四十年沿廣有詩節者宋璟李朝隱與三人而已終尚書

右丞

唐書百廬  
懷慎傳

宋

魏成信字國寶衛州汲人仁溥子成熙弟初授春坊通事  
舍人選尚公主授駙馬都尉雍熙中契丹擾邊悉命諸主  
省鎮要地成信知瀛州籍田畢就拜彰德軍節度景德初

成信威軍知曹州秋霖積穀成信盡賑濟河間以導之民

田無害累加同平章事卒贈中書令子昭易西京作坊使

耶侃崇義使

宋史列傳

王疇汲人皇祐中爲開封府判官內侍李文良誚其叔父死疑爲仇家所毒驗視無狀疇曰安知非文具奸究計果與叔父有怨文具良伏辜人服其明

舊唐志

韓濤字君玉汲人舉進士爲開封府錄事初寬恤諸道分遣使者濤曰京師諸夏本顧獨不蒙恩乎乃具徭役利等上之詔司馬光陳洙詳定條式遂革其姓漁并之弊濤開封府判官迎契丹使使問南朝不聞打圍何也濤曰我后仁及昆蟲非特不爲耳吏事絕人閭案牘終身不忘官

至大中大夫判將作監轉正議大夫致仕卒年七十七

宋史

列傳

杜常字正甫衛州人昭憲皇后族孫折節學問無戚里氣

習嘗跨驢讀書不覺觸桑木而隋額為之傷舉進士累官

工部尚書崇寧中以龍圖閣學士知河陽軍會若早及境

而兩大河決直州西上埽勢危甚常親護役徙處埽上埽

潰水溢及常坐而止郡賴以安

宋史列傳

李載字伯照黎陽人少苦滯隆暑讀書置足於水雖得疾

不舍去登進士第知祥符有巫以井泉飲人云可愈疾趨

者旁午載狀巫而理其井知冠氏府守其泉人相薦其

凡六爲州一以寬厚稱性篤孝侍母病不解帶至病不能食載亦不食母知之爲強食仕至光祿卿提舉仙源

觀卒年七十四

宋史列傳

趙賀字慶餘封邱人少喪明遇異醫而愈事繼母至孝舉毛詩及第補臨朐縣主簿淳化中調丁壯塞澶州決河累役多逸去獨賀全所部而歸遷江淮制置發運使會太湖塘岸壞及並海文渠多湮廢水浸民田賀爲伐石築堤浚渠引瀟水東注於海流民歸者二萬六千戶歲出田租三十萬後累官給事中判宗正歷知鄭蔡宋三州以精明稱

宋史列傳

樂崇吉字世昌封邱人乾道中爲吏部令史上書言事稱  
旨調臨淄主簿明習文法清白勤事累遷江南轉運使尋  
以司農少卿知洪州有司歲歛民財造舟崇吉至奏罷之  
遷衛尉少卿以匠作監致仕入鄉賢祠二子源沂皆舉進

士

宋史  
列傳

元

劉依仁淇縣人爲山西屯留縣令仁懇明察判決疑獄民  
以不寃旣去百姓建祠立碑

舊府志

慕完新鄉人少孤家貧明敏有大志讀書自立慎軍寡言  
笑及試吏有能聲累官侍御史刑部侍郎持法平允決獄

如流爲衆所服至順間封衛郡公

劉仲方新鄉人至元間授彰德路治書歷武昌權茶運使

勤慎廉能政績甚著祀鄉賢

新鄉縣志

孟居正字處中濬縣人累歷郡縣皆有冰蘖聲終知滑州

滑州人稱惠焉去之日立碑思之

濬縣志

陶諒獲嘉人有吏才歷邑長著能稱

獲嘉縣志

李英滑縣人襲叔宥爵以宣武將軍知本州立條教悖孝讓巡行田畝旌別勤惰會歲飢率州民見世祖請蠲其賦滑隸大名遠二百里傳餉不便請備本州政通民信爲當時重卒贈朝請大夫同知大名路總管府事騎都事追封

隴西郡伯 滑縣志

明

李炳新鄉人自幼勤學及長器識過人優於政事洪武中  
出太學生歷官至四川左布政使有能聲 舊府志

楊茂淇縣人少好學志行不 ~~懈~~ 洪武二十年由郡庠補太  
學生除廣東雷州府知府卓有政聲 舊府志

馬英衛人天性狷介有志操景泰中以鄉薦任淮安府通  
判九載廉公有惠政淮人愛戴之擢本府同知蒞官始終  
一致聲績益著自懇乞休雅志恬澹動循禮度鄉人重之  
舊府志

王嵩字邦鎮汲人舉成化乙未進士授太湖知縣以青城廉明寬厚不事苛察民不忍欺有古循吏風擢監察御史轉大理丞左右少卿陞右副都御史巡撫延綏左遷陝西叅議尋忤逆瑾矯上旨下錦衣衛獄籍產謫戍後事白復其產以原職致仕歸卒年八十有四子道生孫欽理俱舉鄉試

舊府志五頁

郭宣新鄉人事親能孝母病割股以進病遂愈天順初以太學生任漢中衛經歷有平盜功嘗值歲饑捐俸賑之民賴全活見陝西名宦

舊府志

朱綱淇縣人任池州府通判廉慎自飭天性仁厚政多寬

惠鞭朴不施民甚慕之見池陽名宦

舊府志

劉璋字廷圭汲人登成化丙辰進士授高密縣知縣廉明  
仁恕興利除害增學舍勵生徒聲稱著聞擢福建道監察  
御史陞山東按察司僉事山西副使按察使布政使都察  
院右副都御史勞績宏多風紀振肅比卒朝廷遣官諭祭  
并營葬事山東通志以名宦稱

舊府志互見各臣

陳暉字文曜汲人成化間以鄉薦分教臨清精於易學多  
執經受業宏治九年任池州府通判清慎明敏監司優其  
處屯軍之宜奏調蘇州府以障水功陞廣平同知改真定  
上至陝西按察司僉事臨清池州以名宦稱子真晉進士

官御史歷叅政

舊府志

郭郁字文勝宏治己酉舉人新鄉人性剛方而才思敏贍任湖廣京山令卓越有能聲民以事至庭下片言立決備歲歉所在寇盜充斥郁拊導有方境內晏然邑人至今德之祀臨邑名宦丁艱歸祀鄉賢

新鄉縣志

郭孔完新鄉人居鄉有孝行嘉靖壬午領鄉薦授興平知縣政務以德化民去後百姓懷之爲立遺愛祠歷陞伊府長史

舊府志

劉瑤字潤甫胙城人登嘉靖辛丑進士授行人擢監察御史巡按真定山東皆有風采以事忤權貴謫判通州卒於

官祀名宦 舊府志

周鏞字之京衛人舉嘉靖辛丑進士授戶部主事歷員外郎郎中陞池州知府清約有守寬仁愛人百姓德之擢按察副使飭兵辰沅及懷隆等處採大木修邊隘威著勞績尋調四川撫泊重夔值土寇有警督兵勦平地方安堵士民爲建祠勒石 舊府志

周鳳字文祥天順庚辰進士授兵部主事歷員外郎中出補太平知府廉儉之操始終如一不以家室自隨麤衣糲食無異寒素士九載滿去任郡中老稚擁道泣送仕至建都轉鹽運使 汝縣志

徐朝元汲縣人宏治丙辰進士授直隸順德府任縣令  
明倫彙編六事舉民獲以安又以抑暴爲事一時奸宄  
屏息  
涿州知州歷登州漢陽知府  
何廷佩字文鳳汲人嘉靖間貢任全鄉縣丞遇大水力陳  
狀乞歲免軍米折價三千石以恤災患民共德之後擢寧

陽知縣

汲縣志

蔡揚金字子礪衛人舉嘉靖甲辰進士授溧陽知縣有惠  
政擢監察御史巡茶陝西嚴飭販禁省額外馬四百匹以  
足邊用巡按順天條奏荒政見之施行民賴全活者甚衆  
歷陞浙江左布政使以入朝覲卒於京邸平生忠信謙謹

小心周慎絕無矜傲輕侮之習鄉族以孝友稱子叔達進

官布政使叔達舉人

舊府志

蔡叔遴字予賢汲人萬歷癸酉舉人任日照知縣買糧賑  
飢詳請免賦立書院課士人文蔚起貧民無喪娶費者率  
助以貲邑中咸頌其德

汲縣志

李體嚴號泰吾郡人萬曆丙子舉人歷黎城永寧知縣政  
尚簡易居鄉恭謹樂安林下二十餘年壽八十

舊府志

侯大節號元峯郡人萬曆己丑進士仕終萊州府知府歷  
都察院戶部皆有聲任滿城益都蘄州等處政績著勳咸  
祝名宦以忤權貴

一說流鄉賢有奉祀牛羊孫至

張邦度汲人萬歷甲午舉人青州捕盜通判除奸剔蠹克盡其職攝益都臨淄兩邑篆亦俱有賢聲以勞瘁卒於官東人思之

汲縣志

潘雲鳳字儀庭萬歷庚子舉人性醇厚愷悌居鄉謙謹任淳安知縣勤慎有治行民久而彌思順治間有淳安商文毅公後名民宗者來令於汲循歷舉其在任所行事蹟嘖稱賢

汲縣志

蘇時霍字澄甫汲人篤行好學醇謹著聲以明經歷尉氏訓導靈臺教諭開封教授士服其化文風大振終唐府紀

善居家庭訓有方子文標文楷文樞孫嶠聯登科第後以  
文樞任吏科給事中贈如其官鄉黨稱爲厚德之報云

波縣

志

李天叙號達菴汲人美姿博學以能文稱由恩選歷知觀  
城單縣五臺三縣多惠政子大生孫實發實秀俱有傳

志

劉松號仁軒郡人生有氣岸不妄言笑任直隸永平府樂  
亭縣知縣廉能署上考致政歸老其子養復兩蒞巖邑多  
有惠愛

舊府志

李若南字郁六汲人性醇和由萬曆乙卯舉人在香河東

知縣江寧推官累遷刑部郎中出爲龍安知府署安

道所至政尚寬大不事赫赫名既去人多思之治獄善

反薦剡有漢于公之譽歸里後舉鄉飲大賓所著有四

言北講李于命牧登甲午科汲縣志

得上賓號社州獲嘉人銓部上知之弟登壬戌進士賦性

寬和派人平易知陽城守漢中晉兵部所至政聲籍籍去

居人恒見思陟副使旋拂衣歸樂林下五十餘年壽八十

四歲子孫克祀其武邑有世德之稱舊府志

郭蒙吉字子正新鄉人由歲貢授臨清州同知明決廉正

遇事迎刃立解賊盜發覆爲奸息羈人畏之若神前吏有

政績

例金千兩悉行裁革有米而暴寒齒碎棄屍河干遠死者  
數十人蒙吉見伊弟狎狎而所衣可異詰之曰此兒彩也  
衫新幹映曰有血痕佯謂曰汝納醉汝兄而繫殺之猶呼  
碎其齒汝爲見出汝復何辭立懸杖下人嘆爲神明見王會新

編攝武城范縣人以善政紀石焉陞鳳陽通判聲望益著

署府篆正己巳卒屬公庭肅然積羨金數百悉置學田秩滿  
擢蘇州府同知進階奉政大夫飄然歸里竭力養母恤族  
撫孤卒祀鄉賢新縣縣志

楊允字展成新鄉人嘉靖乙酉舉人統安平令剛方有爲

夷豪滑數人首出魁婦一持綉爲青天持書水與盡會

多方疏導民免其害  
六寧世宗高祖允總諸務  
權端民賴以安及梓宮南祔復命董其事卓有能  
至三十餘年卒民猶奔走存弔有繪像昇至家者祀大  
寧名宦祀鄉賢

新鄉縣志

張問仁字心吾新鄉人以歲薦司訓大康捐貲修文廟及  
祭器助貧士之無依者時流寇薄城長吏死邑之大姓哀  
載思徙人心洶洶急請巡方者嚴法乃定因與諸生誓志  
守城登陴禦賊卒以全城上官重之沁橋每歲更易操辦  
苦累問仁首倡義建置一勞永逸焉擢真定別駕致仕歸  
以子縉彥貴封兵科都給事中祖鄉賢

新鄉縣志

劉俊新鄉人天順丁丑進士任廣宗縣令剛廉果斷卒于

官新鄉縣志

劉璿國學生新鄉人正德初任新泰令值流寇攻城乃憂  
石爲炮懸繩擊之賊知難犯遂引去境藉以寧母卒廬墓  
三年不復仕

新鄉縣志

郭亮昨城人永樂甲午科舉人初授戶部主事歷官太原  
府知府居官多美政鄉譽無間言卒祀鄉賢

昨城縣志

王國寧號坤一汲人賦性剛直偉幹卓然自萬歷庚子舉  
人任湖廣棗陽知縣

讀書不干謁有司而遇地方大政輒力爲民請

如擬荒等疏迄今人尤德之子孫奕奕克繩其正順治初  
祀名宦 汲縣志

鑄四方洪縣人嘉靖丙午舉人初任山東棠邑知縣有賢  
聲陞山西潞安府同知尋陞刑部員外郎遷戶部郎中轉  
山東僉事監軍遼東開遠道三載文武並濟軍民相安當  
事以兼材推重轉湖廣布政司叅議又轉山東按察司副  
使以告病家居數載卒 淇縣志

李志宗淇人天性耿介篤志好學嘉靖辛卯科舉於鄉任  
山西太原府祁縣知縣一廉似水囊無儲貲以病告歸 淇縣志

王道達淇人以廩膳生援例入監初授北京南城兵馬指  
揮調中城兵馬指揮廉明仁恕都人有青天之稱陞山西

汾州府通判

淇縣志

宋明字惟遠初授戶部主事濬人督倉臨清中官監儲者  
頗橫公一裁以法弊頓革爲員外郎有中貴乞莊田濫及  
容城諸邑上命明往按廉得其情卽抗疏以聞版籍獲安  
旣而轉運兩浙杜私謁鋤強暴釐法大振僚友念其廉夜  
以金進公正色斥之浙人因呼曰鐵宋有鐵宋卷藏于家  
官至叅政入祀鄉賢

濬縣志

積十年者公至立爲平反然不可干以私有司  
賂求脫罪卒正以法守彰德調西安廉平無私豪強屏遠  
入祀鄉賢 澹縣志

王訓澹縣人字子導領嘉靖癸卯鄉薦性溫厚好文學初  
令新安愛民敬士捕積歲巨盜民賴以寧伊王謀叛奉命  
討之奮不顧難同事咸視爲進止通判寧國多惠政陞知  
桂陽甫一載入覲卽乞休家居澹如也 澹縣志

李濮澹縣人居家以孝友聞由舉人授台州府推官辨文  
晟之妖全活以萬計倭賊攻黃岩仙居二縣旦暮垂破濮  
嚴部伍設方畧倭遂遁去事聞特賜獎賞陞同知平涼府

事有宗室侵民田百餘頃漢至卽爲釐正陟守貴陽貴陽  
爲新建之邦道多剽掠商旅艱難漢創立規制兩平土官  
之變蒞郡甫二年鄰省歸屬者戶口增至五百餘設歸化  
從化二里以居之入觀之日百姓遮送于道立生祠以祀

卒祀鄉賢

濬縣志

杜時泰濬人由恩貢授德平丞陞知環縣環近邊民悍泰  
能馴擾之流賊大掠邑無城人情洶洶然杜領衆出矢天  
日賊至此有死而已嚴兵符之賊聞潛遁秋毫無犯上官  
賢而薦之陞同知西安府以清節聞未幾卒

濬縣志

權新關實高愛衆毫無婪行歷任至山右方伯其有  
慶出奇計戮賊帥并搗賊穴厥功甚偉因病請告優游綠  
野享年七十餘卒

濬縣志

張所性濬人爲長山令築圯城完逋賦官自養馬以甦疲  
瘵累薦循卓調繁黃縣因文登寧海欲以新餉加派偏累  
黃人解綬爭之竟折其橫稍遷邳州守鄉里懷德至今稱  
焉

濬縣志

劉偉施字念柏濬人性孝友以舉人仕宣陽令撫字保障  
三與寇戰皆捷獲因病辭組年七十餘卒

濬縣志

陳俎封邱人嘉靖壬辰進士任廣平府官至山西兵備

副使居官剛正不阿守廣平多惠政修臨洛關民至今祀之

封邱縣志

邊之靖封邱人萬歷丙辰進士官至兵部武庫司員外郎

性孝友令興化平劇盜革弊政民咸德之

封邱縣志

李曰敬號蓋軒封邱人由明經歷官阜平令拒瑞陂撤礦稅剛毅正直力折權邪阜人勒功五臺陞岳州府通判清節彌著詳載全傳中

封邱縣志

宋安封邱人永樂十七年貢任內黃縣知縣善治得民陞滁州知州內黃民不忍舍老稚千餘人赴京保留乃以除

賈宜封邱人天順己卯科任周縣知縣政聲大振陞太  
安民懷之爲立去思碑有大學士楊士音贊詩勒後邱  
縣志

董漢儒字道夫考城人嘉靖丙戌科舉人生而穎異讀書  
常徹夜人號爲董不眠從父宦遊北學於趙魏豪雋集  
爭相誦下又號爲董鐵漢比登制科名動京國初牧通州  
曲意拊循如均馬政修水利清賦役崇教化皆其大政遷  
南司徒財計盈縮綜畫多方出守漢中有遺愛錄至東昌  
治河患敵巨寇更建昌觀竄滇南勦敵靖邊身先士衆所  
至政績可考因瘴癘引疾乞休歸里杜門惟聞邑有大利

害所關力疾抗議於部使者期濟乃已性孝友筮仕後以  
田廬讓二弟更置義產廣惠宗黨鄉人至今稱之入祀鄉

賢

考城縣志

孫應辰字拱極授山東濰縣令廉能茂著民有誣坐人命  
抵罪累年弗能辨辰察其寃力白於上官遂得釋濰地素  
爲王府侵爲鵝鴨食民甚苦之辰檢勘合申革永除民害  
百姓繪像祀之尋陞南京戶部主事轉刑部員外郎皆有  
聲出守永平值遼東歉巡撫閉糴辰曰遼人仰吾民爲京  
師左膏大勢在遼寧之是輕京師也請無閉糴遂撫息其

繁諸城懋直果毅撫綏多方且培養士子兩邑顯者多  
其門遷黃州府同知歸里承顏二親不談世故有言  
世 考城縣志

楊國卿字世丞考城人正德丙子舉人賦性剛明制行狷  
介孝親友弟兼長於詩歌古文筮仕石泉令期年百廢俱  
興如振起文風杜絕淫俗簡徭革贖扶弱鋤強政績累累  
尋以直道忤時解綬束歸日與後生講解成就甚衆 考城縣志  
甯嘉會字範區萬歷己卯科舉人任海豐令救荒恤災清  
平明允士民有青天之頌調南和令歸里有詩稿行於世

張家瑞字廷慶萬歷戊子科舉人任山東費縣令出粟賑  
飢捐奉修闢萬民立遺愛碑兩臺交驪以養親旋里屢辟  
不就有子紹芳舉茂才以孝友聞

考城縣志

樊均字仲平考城人由歲薦依親赴京違限問充邊方均  
率同事六百餘人列愬于廷太祖怒甚衆皆戰栗均神色  
自若從容奏曰臣等少年輕犯憲章伏乞重恩許臣自新  
竭力讀書以圖補報上嘉其志盡釋之命侍臣大書名姓  
揭于奉天門以俟俊均初授山西石泉知縣虎伏灌園異  
人著歷官至工部郎中致仕後以治河功從祀平江伯

廟庭 考城縣志

李讓字允恭考城人孝友純厚除山西文水知縣丁未  
展闕補直隸河間知縣廉明剛果直道不屈吏民愛之  
父母太常寺少卿孫賢稱其愛百姓如已子治公事如家  
事雖古卓魯何過也 考城縣志

鄭士春字太卿考城人任陝西永壽知縣鋤奸革弊作士  
恤民致仕歸 考城縣志

李成延津人以孝廉知温州府仁惠之政孚於東甌甌人  
刻像祀之祀鄉賢 延津縣志

周卿字克果號棗山延津人嘉靖壬辰進士初授山東禹

城令禹素刁悍卿廉慎仁明禹民頓格一時吏治第一陞  
吏部文選司主事去之日民立碑建祠祀之歷陞稽勲考  
功員外郎再轉文選崇氣節獎恬退一時請託頓息泊陞  
驗封司郎中執掌會權相子例外求吏甚急卿對使斥之  
冢宰松臯許公素重公聞之曰是叢怨也公曰吾不敢徇  
人以私怨何敢避歲當朝賀公以病在告相子諷糾儀以  
失朝左遷廬州府推官馮怒未幾乃擬旨陞遷太驟遂落  
職鄉朴素自守隱居棗山卒祀鄉賢

延津縣志

張璉字子平號竹村延津人嘉靖己亥授知涑水縣事兩  
臺以安肅衝頭匪公不可交薦爲安肅尹璉至因時迫

事濟而民不擾。尉府欽取擢戶部主事。肅人思之。  
縣志

宋守志字貞甫號節菴。嘉年遊泮。丁酉薦於鄉。登丁未進士。第授戶部主事。權稅清源。監天津倉。出納有法。上嘉其績。陞山西司郎中。典蘇鎮軍需。三年如一日。陞山東東昌太守。武城巨浸。護鑿河以入黃。盧而民患息。在平查丈一清。大司馬蘇公爲頌。勒石至臨清。夏津躬禱。而甘霖降。各建時雨亭十八。屬多生祠。陞憲副。任浙江海防兵巡道。防守訓練。貳相戒。不敢弛。後以造戰船。軍門胡某議費數十萬。守志建議止數千。大相相惜。守志奮然曰。柰何以民之

脂膏逢上意希榮寵乎遂自投劾歸奉命補陝西憲副理鹿

延兵務甫數月復託病引退祀鄉賢 延津縣志

周詔字若師號嫩菴延津人嘉靖庚戌登進士第授南京

戶部主政始攝九庫出納惟允繼督和州軍民兩使後監

北新商稅去冗吏祛煩費日用之需皆供以驛傳者悉出

諸已進課倍曩時考績奏最遷陟員外再進郎中以病告

回祀鄉賢 延津縣志

楊旂字汝彭號潭村延津人幼聰穎丙辰登進士第授戶

部主事既而監督大倉銀庫毅然有守左右屏肅部解歡

聲播遠邇壬戌以東南財賦不敷特勅旂單車徧歷設法

督之旂不染塵解額稱旨陞員外郎會江西九江缺分  
巡按察僉事甲子秋入賀賜宴賞時宣鋪多事求邊才僉憲  
不半載卽留山西布政司叅議分守其地邊境寧謐逾歲  
擢憲副移鎮口北兵備經理南山未幾赤城報捷下部議  
賞格賚花銀綵幣陞布政司叅政奔母喪奉墓如禮釋拜  
陝西叅政守關西與行邊不合詆之遂小口恙給假歸不復

唐辛祀鄉賢

延津縣志

唐寵號及泉嘉靖乙卯舉人爲延蕃族日口共變寵以一  
人籍約之家庭雍肅後任武城令實心實政吏畏民懷隨  
擢順天府通判以疾歸里祀鄉賢

延津縣志

申如垣字鳴甫號奏廷萬歷乙酉科舉人己亥署太倉學正重德行勤勸課壬寅陞國子學正癸卯陞兵部司務司處寒曹一切往例做規悉與謝絕乙巳京察戊申起補曹州學正庚戌陞晷陽令建奎樓修邑乘皆捐俸爲之丙辰陞漢陽府通判旋丁內艱服闋復補九江府通判有惠政率祀鄉賢

延津縣志

周興祚字宗綿延津人由左府參軍陞地官大夫後陞同仁太守其俗健訟士習鬻競興祚以約束立期會不除月公庭肅然朔望集諸生講解捐俸立文社一時文教丕振先時苗民恃險數爲患興祚條議力畧上之直指苗民

聞之不敢復出二載卒崇祀鄉賢

吾文延津人由舉人爲潛江令後守沔陽朔二州水菜之

操終始不渝入覲吏部考績爲天下清官第一書名於部

門以勵士風

延津縣志

焦思忠字時進號聖軒延津人弱冠領鄉薦就虹縣教諭  
日與諸生講課娓娓忘勸學使重之薦西蜀分校得士七  
人皆極一時之選未幾陞潞安司理至官讞獄斷察吏明  
謝絕請託考績報最內擢廷尉評事遷山海別駕澹然一  
無所取尋陞德安同知關民攀轅不忍舍信宿始去抵德  
安未幾丁外艱服闋補平陽適有寇警思忠親率民兵禦

之獲渠魁餘黨悉殲當事以至勲上聞會府守缺思忠視  
蒙攝計人都宦橐蕭然無所結納竟轉王相遂掛冠歸里  
延津縣志

宋名儒字正學號次狷延津人授固始訓導膺直指薦剡  
拜高陵令禁耗金明聽訟愛民好士政清刑簡爲上臺器  
重以內艱去服闋補宜君邑在高山中俗悍不知有輸納  
義名儒不憚輻輳躬詣疲民以教之俗漸以馴尋晉秩興  
化別駕未任丁外艱旣補觀城令弭盜安民他如清逋賦  
懲蓮妖寬嚴並濟民畏懷之

延津縣志

曹昌獲嘉人正統庚辰以歲薦任山西寧鄉訓導鄉故無

甲辰爲之從學官作孝化師長和甲辰繼赴嘉靖也元車  
山東長山諭長亦艱於科甲昌至亦如治寧鄉時後亦科  
第蔚興二邑諸生啣其德肖像立祠刻石頌焉獲嘉縣志

賀盛瑞字鳳山萬歷己丑進士初授工部省帑巨萬遷繕  
司郎中適有乾清坤寧兩宮之役盛瑞身任大工過巨瑞  
抗政府全神籌畫比竣省銀九十三萬兩有奇出叅楚藩  
尋調秦俱未赴竟以歛怨中察典謫知秦州旋補澤州澤  
多宗人爲害盛瑞至接之以禮而威之以法皆歛戢俗尚  
奢一切嚴禁之建文塲於澤請學使者按臨澤士稱便再  
謫判長蘆運司稍遷刑部福建司主事謝職歸獲嘉縣志

高進孝字遂君獲嘉人聰敏嗜學萬歷丙戌進士由縣令  
歷任部屬至布政司叅政居官清正所至有聲喜品評古  
詩詞卷帙甚富善楷書所撰文廟碑記尤佳

獲嘉縣志

岳凌霄字抑生號廣霞獲嘉人天啟乙丑進士授宣城令  
丁卯分校南闈時魏璫勢正熾擬題諸公欲逢迎權貴凌  
霄執議甚正典試者不能屈詞武進革積弊雪冤獄有白  
面包公之稱陞大理評事轉兵部職方主事庚午解任歸  
獲嘉縣志

馮兆麟字長陽獲嘉人天啟辛酉選貢任寶慶府通判攝

公同州軍賦等事加天啟等十三人詛呪欲盡置之死獄

二具上官下麟覆勘力活寃者八人署新寧篆捐修  
邑人便之立碑呼爲馮公門後補山東濟南府通判值寇  
亂與郡守分防機漚衣不解帶月餘寇解圍去轉萊州府  
同知告歸

獲嘉縣志

冀國字定甫輝縣人嘉靖丁酉舉人授直隸唐山縣知縣  
築城垣修學社弭盜救荒邑中大治行取授刑部主事民  
立去思碑後公舉入祀名宦繼改戶部歷貞外郎郎中釐  
奸剔蠹多建明陞貴州都勻知府時土酋王世麒據險叛  
逆公擧車之任躬率將吏設音勦平督撫上其功蒞蒙欽  
賚銀幣嘉靖丙寅致仕馳驛旋里呈請霍菴王公將輝縣

瀕海沮茹盡改水田刊有江南肥田之法並不悉泯隆慶  
改元惠詔進階中憲大夫享年八十有二無疾而逝奉舉  
入祀鄉賢康熙八年公舉從祀蘇門山

孔廟

輝縣志

冀守謙字汝光輝縣人萬歷丙子鄉試戊戌進士初任益  
都知縣會稅採初興權璫橫逆公正直不阿每以理法代  
璫遂移駐他邑一乃寧謐政聲最著取兵部主事考差

淮安糧儲復差蘇松監兌聲騰中外陞直定每府察已愛  
民適當入覲抱病赴京卒於中途雖歸里明季祀鄉賢  
後於康熙八年公舉從祀蘇門山

孔廟

輝縣志

房岳清縣人宣德間由人材進令鄒縣政平盜簡吏畏民

愛三年考於京民怒其陞去走京師請留復任十三年卒  
滑縣志

王崇之字守節滑縣人天順九年進士初授上海令擢倫  
史時遼陽數有邊患戰備廢弛士卒飢寒崇之條陳時議  
切中機宜中官汪直巡邊貪橫不道撫鎮以下望風納賄  
崇之不爲屈直怒悉短於上請延安府推官崇之性友愛  
剛正弟幾與濬王越齊名

滑縣志

王肅字爾齋成化二十年進士任曹令愛民重士修城郭  
築堤防民賴其利時邑人李秉爲吏部尚書諸子怙勢暴  
於鄉肅按其罪且薦其不法欲以聞秉遂告休肅爲人方

孤有才思不取功名在曹九年遷壽州陸嚴州同知有惠

政民立祠祀之終福建金華

滑縣志

雖讓學恭遜滑縣人性孝輕財重義授臨金仁恕不事苛

刻百姓愛之

滑縣志

靳頤宗善耳滑縣人性剛介能文章宏治八年進士任嘉

定令有強幹聲聞走馬塘等河以便運道豪民沈棠以財

雄於鄉賄交權貴所爲不法頤至有訟其侵官民田舍案

不出頤怒縛其悍僕三十六人及子灼笞而囚之捕棠益

急權貴爲棠書數十至皆不發火之都御史乃自行縣謂

頤曰何苦爾爾頤曰鋤強植弱有司職也今豪右侵佔

不行其何以風於衆卒捕巢置于法反侵地九十四

家惡斂手境內肅然卒於官

滑縣志

同年字壽齋滑縣人十九歲中嘉靖壬子舉人任鎮平令  
仁恕不事刑罰人稱曰佛唐王獎以匾曰清正仁明丁艱  
歸服闋補醴陵太之如治鎮平時

滑縣志

耿隨龍字允恭滑縣之思史仲子擢萬曆丙戌進士初令  
寶應革除積弊財令弊邑人立州府之歷戶科都給事  
中凡所建白務持大體尋以忤神宗旨免歸熹宗改元錄  
遺直追贈光祿寺少卿

滑縣志

朱煥字爵虛滑縣人十六登賢書擢萬曆甲辰進士性孤

介清正屢抗權貴任工部日督理陵工省銀四萬兩特旨  
褒嘉出守鞏昌復補潞安俱有治聲官至苑馬寺卿歸里  
後門如寒素閉戶吟嘯身卒之日家無餘資

滑縣志

閻禧字仲皞號階平滑縣人甲戌進士任陽穀令有惠政  
再補沂水值歲荒多方賑濟全活甚衆時流賊蜂起渠魁  
史車明擁衆窺境禧率鄉勇往禦咸謂衆寡不敵未行敗  
與之戰禧躍馬直前衆恐失禧爭以身衛無不一當百賊  
始解去境賴以安陞刑部郎中未之任值李自成之變不  
污偽職拘禁兩當山中久乃得釋順治二年授兵部車駕

部中四年以次弟祺幾至喪明

歸滑縣志

國朝

曹延俊號良甫郡人太守一蘭子磊落英偉慷慨有大志以廩生初授封邱知縣復委本府河北廳同知爲彭澤料間多愜人意督築小宋堤茂著勞績擢薦山東兗州府泲河廳通判陞本府黃河廳同知分駐曹縣勦寇守城功在保障晉後府經歷都院題留歿於官子孫森立不墮家聲

舊府

志

陳起元字徵起康熙己酉舉人任沈邱教諭勤考課嚴學規士風丕變後陞邵陽令犴犛維處民罔知禮義起元委曲化導頑愚頓革又設學田延名師以教俊秀聽訟明慎

民無冤獄邨人思之祀名宦康熙四十五年祀鄉賢子璫  
茂貢封邱訓導亦克敦孝友慷慨尚義鄉黨重之

汲縣志

劉源湛字石友號洪巖新鄉人丁亥科進士授湖廣大冶

令時方草昧萑苻竊發源湛設法殲巨魁反側以安戊子

分房校士稱得人報最特擢賜袍服遷鞏昌府同知分守

涼州逆獮作難源湛招義勇成伍亂乃平莊浪土司魯蔭

昌生子宏九歲被擄昌死義假子魯典承襲後其母訪宏

歸而典以假亂真衆莫敢正源湛審確釐正之戊戌陞禮

部祠祭司員外轉精膳司郎中時荆楚多事以源湛爲下

荆觀察使未赴父遭寇禍丁艱源湛以圖復仇

疾服闋補山東武德道兼攝泉事案廣山集雖抱病猶  
日夜檢閱不敢假手於人七年疑獄頓清竟以嘔血而死  
濟南德州俱祀名宦

舊府志

任文暉字聯璧新鄉人壬午舉人闖賊僭據西安僞令魏  
鵬鵬迫之仕乃裂檄棄家逃遁順治丁亥成進士授江西  
廣信府推官執法不阿屬吏莫敢餽遺決訟如流民以不  
究尤加意學校獎勵文風甲午分闈稱得士時有楊文者  
據九仙諸山作亂

王師進勦撫軍委以督餉文聯轉

運不絕諸將有獲賊婦女者必審問姓名居處令其家携  
歸民皆戴德肖像祀之歸里端方自持與徵君鍾元孫公

講論河洛製旨主文壇目擊文廟傾圮倡先捐資丹雘修

葺卒祀鄉賢

舊府志

任璿字政七號且茨文曄之子弱冠舉於鄉己未成進主授翰林院庶吉士散館改戶部主事清浮冒權會計歷刑部郎中平反悉當出守登州下車後庶務畢舉謁廟見殿廡頽圯祭器不備輒捐俸修葺他遼左告饑有旨運穀賑貧約用千餘艘舟子聞風迯避牧令束手璿亟請糶米運至可省半費未數月而竣上下咸利以艱歸卒祀鄉賢

新鄉志

縣志

李如蘭字晉卿考城人順治丙戌科舉人任和州知州

義學革書役積弊施粥濟人修文廟建書院士風丕振利

人立碑頌之

考城縣志

陳毅字士可康熙癸卯科舉人天性孝慈撫孤侄如己子  
初任陝州學正勤課諸生士風丕振陞直隸山海縣令多  
方撫字招徠商賈清逃盜却鹽引廉潔清正惠民無私

考城

考城縣志

李實奠字美如考城人任溫縣訓導署濟源事陞項城教  
諭丁艱服闋補確山教諭陞直隸隆平知縣有惠政賑災  
荒救瘟疫瘞積屍恤殘傷卒祀鄉賢

考城縣志

考城縣志

李煊字曉生號遂菴父夢禎別駕歿於山海官署公身肩

奇險保樞歸。羣歲饑。括掘升。廿般費。奉母與弟。舞衣。幾。况  
隆。壬辰。威。進。去。初。授。漢中。沔。邑。令。地。當。滇。黔。孔。道。驛。餽。難。  
支。煊。多。方。備。應。驛。困。漸。蕪。招。逃。薄。賦。准。以。土。物。輸。將。通。融。  
設。法。商。民。兩。便。積。逋。得。充。擢。比。部。郎。中。理。奇。寃。懲。緝。巨。惡。  
輦。下。嘖。嘖。有。聲。賊。法。當。遣。戍。免。坐。出。嫁。女。與。過。房。兒。自。煊。  
始。也。

世祖章皇帝幸熹臺

宣問奏對稱

列

奇滇南漸闢

簡大臣才品優卓者以煊爲最超授

少參分藩洱海。詔流安插。轉運餉軍。于巖服闋。兼銜分憲。  
山左陽谷。賊渠糾衆。倡亂。煊廉實。私擒渠魁。餘黨悉散。人

服英畧。卒於沂州憲署。

煊字叔元。汝南人。少爲州郡吏。有能。召爲郎中。出爲

暢泰兆字子交器宇魁岸年十三補弟子員父歿友弟彌篤事繼母以孝聞康熙乙未成進士初任祁門令祁俗刁悍土豪胥蠹糾結爲民害泰兆悉繩以法無敢犯者舊有陋規悉革之庚午分校南闈所得皆一時名彥再任稷山力除積弊十六條勒石永禁辨死獄旣成二值歲飢招徠流亡給以牛種鄉鎮市集爲他邑奪者盡復之廉明大著兩邑並祠焉行取禮部儀制司主事旋擢工科給事中引病歸里年七十四卒祀鄉賢

新鄉縣志

郭遇熙字駿臣新鄉人康熙己未進士兄弟同居數十年無間言及析箸田宅多推與之謁選授從化令適邑遭洪

水兼程赴任至則亟請發倉賑濟全活數萬人凡死者皆棺之孤寡者倍給之值科不輕筆楚又創建文塔增修文廟立書院士始登賢書邑人爭立生祠祀之擢刑部主事卒於京邸祀鄉賢

新鄉縣志

楊毓蘭字伯馨新鄉人乙酉舉於鄉丙戌聯捷授江寧推官聽訟明決多所平反以卓薦擢工部都水司主事權稅龍江督河張秋事竣補轉員外陞刑部郎中戊申特舉賢能以御史銜巡按兩浙鹽漕隨時制宜上下咸裕復命簡山東學使公慎得人值滇黔叛逆以薦從戎補衡永郴叅

議蜀楚蕩平年七十卒於家

鄉賢

新鄉縣志

南起鳳字羽伯己丑進士令淮須時淮邑初闢民散  
起鳳力請得減浮糧六萬六千有奇甲午分房稱得  
累洪公題璫軍前理刑同知解任歸年七十一卒祀湘鄉  
名宦

新鄉縣志

于芳字蘭谷新鄉人順治戊子舉於鄉己丑成進士任臨  
淄令有吏治馭下以寬不輕加督責及事有關涉則較然  
不易士民至今德之

新鄉縣志

周嗣昌字顯承乙未科進士任鄒縣知縣有能聲時察荒  
使以邱法丈荒圖說日數下頭緒紛拏有司罔知所措嗣  
昌爲指陳利弊得以無擾復詳請驛傳七難直指程公下

其議以爲凡有驛者勵旋以失悞率夫誑誤罷官民爲立  
祠所著有歸去來草

新鄉縣志

王佩琦字一韓新鄉人戊子舉人清貧自守令廣昌布衣  
糲食恤農惠商于正賦外一介不取寅卯間宣大軍興路  
艱輓運以協銀請上官難之遂積勞卒于官卒之日囊無  
一錢士庶慟哭罷市次子鎔守喪越三載不能歸廣民捐  
金送其柩至中途同邑郭治化劉源淵復倡義捐金以迎  
始抵里一時咸服其廉云

新鄉縣志

王欲含字子張新鄉人順治乙酉選貢膺首拔考授中翰

戶部山東司主事歷貴州司郎中時會計殺繁次

稽精詳官無滯物吏胥不敢爲奸監督寶泉局疏錢法

私鑄國用賴焉以積勞卒於官

新鄉縣志

王時泰字運熙新鄉人康熙甲辰進士初授直隸玉田令蒞事勤敏力洗繁苛丁外艱補寧洋令治亦如之再補麻陽邑處荒僻諸生不事舉子業時泰捐置義田延師講學復親爲考課文風遂振

新鄉縣志

郭晉熙字介臣新鄉人康熙庚辰進士癸未

聖祖西

巡鑿輿憇其第

命賦竹裏泉聲百道飛詩

天顏

咫尺援筆立就

帝褒之授廣東恩平令邑故荒殘晉

熙恩勤盡瘁實惠及民擢主爵郎官由稽勲歷吏選司澄

敏執品清整雅符癸巳恩科典粵西試釐正文體多士歡  
 服知江甯徽州府董率有方俗除陽家言墳由構訟晉熙  
 踏驗懲處吏民重足訟庭為之一變六載乞休以屬吏虧  
 帑鞋累倚寓錢塘未幾以病卒櫬歸里門新鄉縣志

賜于熊字光羣新鄉人雍正甲辰進士年甫十九授黃岡

令黃岡水陸錯壤廣袤八百里上温語訓勉兼程赴

任興除利弊洞中機宜纂邑乘復書院諸生資其膏火乙

卯丙辰獲雋士二十有五稱盛一時邑俗健訟于熊峻絕

以法衙勒不少弛焉兩代黃州郡蒙矜疑之獄多所平反

民間有貧悔婚者乃富德命以...

洲地以清官租嚴江巡以防暴客善政莫紀是時豫省議  
普濟堂乃捐金負粟勸德意制府旌之乙卯以勞勩患疽  
歿於任年僅三十時論借之闕人士設主於閭津書院歲  
時俎豆云

新鄉縣志

任宅心字含真汲縣人篤學力行以歲貢司訓洧川陞河  
內教諭實心訓課鼓舞士風居官每多義助年九十一歲  
旋里士民攀轅送者盈道壽百有一歲卒所著有怡情詩  
稿子嵩自有傳

汲縣志

李昉字升如汲縣人叅政實秀仲子幼負才年十四爲諸  
生康熙壬子選拔任中書出爲温州府同知時海氛未靖

擢布威德招撫渠魁境內得寧繼由淮郡佐擢汪西饒  
守靖鄱湖劇盜禁溺女積習省釋疑獄廉平不擾護糧象  
譯西規剔漕弊兼護木道及臬務詳改刑獄平反各郡大  
案勤捕軍邑積寇一時四集從容整暇後改授陝西慶陽  
守愛民課士一如能督運邊餉功稱最選其屬亢旱激切  
請賑全活以萬計擢平慶道行尤卓旋告歸某去饒去平  
抵皆擁車攀送填溢道路子從坦自有傳

汲縣志

守有章字關公汲縣人康熙甲子舉人授廣西維容令維  
容僻遠淫獷雜處前令概以化外置之章抵任後竭力化

傅嵩字恭立汝縣人屬志篤學癸巳成進士恩伯汝等河  
南兩府教授持身清慎待士寬仁萃諸生於學署自備膏  
火朝夕督課撥科第者踵相接致仕旋舉年八旬終日兀  
坐手未嘗釋卷

汝縣志

汝縣志卷之六

陳亦廉字同予汝縣人性誠篤康熙乙酉舉於鄉兩球成  
進士授長泰縣令有二盜越獄逃忽復自歸曰某自作孽  
何忍累公其盛德感人如此子五人皆有學行

汝縣志

李從坦字道東叻子由國子生任福建泉州通判署漳浦  
時值臺匪竄發人情洶洶甫下車士之有才望  
者以總練保正之權分緝匪黨獲數人賞之法民得安



辛丑歲鶴齡廣東三水縣知縣尉與廣惠賢緝暴政成  
六載著異績題陞肇慶府同知資表入都值異道告變  
路阻改補湖廣荊州府同知兼管荊關抽分親履堤工清  
理屯政申飭郵傳三年利興弊去荆人歐之後陞雲南武  
定府知府丁艱歸哀毀過甚病卒康熙六十年祀三水名  
宦著有易齋詩集荆南詩草

波縣志

蘇澎字碧存汲縣人幼頌異有志讀書煥然已丑成進士  
任廣東陽春知縣發奸比伍諸人意表先是邑奸民每以  
假命誣人動至傾家幾為冤早以習亂且素多盜澎悉治  
以法良善養安奉檄丈田飭耕如舊額不致累民民立生

祠祀之旋里後孝事父友諸弟親族有匱乏咸賴其肩帛  
云汲縣志

郭獻吉字右之獲嘉人欽之裔恩穎博學以禮經名家成  
子選拔初授山西潞府通判過繼母室不果就丁艱起復  
授山東青州府通判當廢宗宅地起解東人內株連數百  
人設法開釋甚眾署安樂縣事有德堪服虎採切懸魚之  
頌及去安樂民遮道送之性樂分施遇故友有急傾囊以  
贈歸里復杜門吟咏著有神暇齋集大隱菴詞藪  
侯嶽琦字又錫獲嘉人乙卯舉人初令安南日逢大旱至

元月得雨捐俸易麥種穀饑饉逃難者裝豆麥兼賑

文行素優嶽琦延主書院未幾門下再服二生後供擬南  
宮今猶稱侯公書院云 獲嘉縣志

紀宏謨字伯禹本遼東關原衛人人籍輝邑以父國相殉  
節廕授光祿寺署丞母歿廬墓三年服闋補順天府經歷  
調垣曲縣知縣垣居萬山中右李日貴等竊據太行所在  
剽剝宏謨操練鄉勇檢獲賊首四境悉平後遷大名府同  
知陞保定府知府寬猛適宜旗民莫不畏服康熙四十六  
年祀鄉賢 輝縣志

朱印顯字蘭谷滑人癸未進士委授河間府司理首殲巨  
惡人多攝服調淮安府司理值 禁旅南下轉輸不匱

分校南闈所得皆知名士擢大理評事陞工科給事中

志

魏慶雲字飛公號吉菴滑縣人已亥進士工詩善書畫性

篤人倫多所獎借士以此多之任政和令蠲除民害招集

逃亡邑人思之祀名宦

滑縣志

劉源深字崑麓滑人舉乙酉孝廉爲人孝友篤摯初授鎮

江府司理時海氛初平大獄方作與章京論重囚七十餘

案平反得宜全者甚衆後改調臨江府司理治行爲江右

元子珩亦登賢書授行人

滑縣志

趙永言字禹聞滑縣人少有志即善文藝自光州判官

三歲禮出積谷以活飢民光近楚丙寅兵變州人皇皇求  
言從容經書關軍是繕城隍親率健丁數十人晝夜巡邏  
城中有反側者先事弭之不得發復張虛聲以疑賊由是  
境內貼然有面志方聞變之初以劔授其妻曰吾家世忠  
孝無受辱理賊至以此自裁可也倅光十三載丁母艱歸  
滑縣志

劉玠滑縣人乙卯舉人任行人擢福建道御史轉武昌道  
革重耗奇役之弊修金口堤以捍江患五年卒祀名宦  
志

劉瑜字山靈滑縣人壬子拔貢由教習授江南蕪湖會南

下車值水災民艱食瑜募米得千餘石散給貧民全活甚衆民皆德之

滑縣志

高選昌字振聲號菡園淇縣人天性孝友才氣通達由康熙丙辰進士任湖廣龍陽縣知縣有政聲再補廣東東莞縣旋調茂名署信宜有雪後陽春之譽獲理高郡晉秩部郎旋擢諫垣直言無隱有古諫臣風嘗奏過蠲免錢糧之年並免租戶三分及京師冬月粥賑展限二疏著爲令後歸里都民拜道者至數千人卒崇祀鄉賢入東莞名二縣名宦祠所事詳按垣諫議著巖草菡園文集

採訪事是

孫泰字子昌江山人出貢生任廣東信宜知縣茂德

肅隸荒除盜安民卓有聲稱銓部轉擢撫臣題請留粵督  
理漕政分委香山海宴等廠復委東莞廠務繁絕風清閭  
閻頌之期滿報最題授高州府糧捕通判並攝吳川事旋  
護雷瓊道篆兼理瓊海權政正己率屬吏民咸安雍正四  
年引疾歸

採訪事是

張資洪新鄉縣人庚戌進士任懷慶府教授多士從風聯  
翩科甲奉憲委修沁河橋工竣賜金二百辭不受委監賑  
濟不濫不遺撫憲保舉堪膺民社以丁艱旋里頻主書院  
講席遂不仕

採訪事是

張來洛新鄉人雍正甲辰舉人任太康縣教諭振興文教

修文昌閣魁樓上憲委監賑務灾黎均沾寔惠社民德之

採訪事

遷

楊士重汲縣人乾隆丙辰恩科進士知福建大田縣事性  
方梗不受請託在任五年及歸里草舍一椽僅蔽風雨士  
重恬淡自如終始不易其操年七旬卒

採訪事寔

蘇濟字聖存汲縣人由庠生授廣西布政司經歷累署州  
縣事有能聲自州司馬陞雲南和州牧廉明愛民時所  
轄暹州土知州那加由卒有遺腹子顯宗襲職已九年族  
人欲襲其襲捏言顯宗非加由子具控於州納賄萬金濟  
交那之卒爲釐正乾隆二十年緬匪滋事濟奉憲委辦

軍糧 以運費不累閭閻移在昆陽為政一如在和曲

解任後貧不能歸寓昆陽士民戴其德供給甚至及歿藩  
憲江蘭憐其清苦賻數百金俾歸里以葬

採訪事

纂邑乘修書序增置書院膏火文風大振閩中連三科  
元皆出邵邑民間有聯然而壻後貧者婦家悔之與詞退

姻納賄千金奉乾陽應之及兩造俱陳即以千金贈婚令  
公堂成禮輿送歸家遠近傳誦及署潼關撫民同知發奸  
摘伏聽訟允平有孀婦陳王氏因立嗣拊訟數年奉乾至  
片語決之陳王氏為作感德頌後以老告歸居鄉

義家族黨多賴其周恤云

採訪事寔